






春融堂集卷二十二

青浦王昶德甫



存養齋集

甲寅 乙卯 丙辰 丁巳

蒙 恩予告紀事四首



退 朝敬聽

玉音宣致仕光榮萬口傳自愧衰庸求解

職非思閒適乞歸田受

知久惜才難得初任雲南布政使召見以多

病求改京職 人才難得且去之 上有移任仍因病未痊 至雲南年餘

且距其本籍稍 遠改授江西 此際更叨深 體卹南還猶 命待春

妍

久向 西清奉 玉宸 熙朝盛典每躬親數番鎖院求佳

士已卯庚辰辛巳壬午癸未 廿次 珮輿侍後塵木蘭盤山 上幸

山東天津五臺江 命隨御 御幄賡歌燈火麗上元古北口聯句及 熱河萬樹園宴外藩



等皆令崇祠分獻管絃新上幸孔陵分獻亞聖命祭啓聖殿金川

奏凱陪郊勞紫閣筵開賞賚頻

兼旬餞送欲傾城深荷羣公惜別情百輛軒車招雜遝兩牀

簫鼓聽鏗轟趨朝尚憶聞鷄集選勝長同竝馬行況是門

牆多俊侶江湖何忍問鷗盟

六幅吳帆下潞河觚稜迴望隔春波壓裝書畫千斤重送

客詩篇百軸多此去深恩真浩蕩重來暮景未蹉跎分明

國慶三年近舞蹈還期伴玉珂時已有六十年歸政之旨

四月初三日雨

忽訝雲陰重旋看雨勢豪打船聞颯颯入夜轉騷騷蓑笠驅

農務鋤犁發土膏豐年真有象庶慰聖心勞

天津

柳岸初聞鳳船過芳時猶喜值清和重重亭榭濃陰遠葉

葉帆檣晚照多雲路星躔當析木海門潮勢接長河憑舷側

帽堪微詠一路明流澹似羅

晤嵇運使藿浦承志

乞身歸老乍揚舫卻喜津門水驛經蒲柳殘年懷舊雨苔岑

夙契話零星文詞每見高書局丁酉戊戌間余充金川方畧總修君預其役姓氏

頻聞上御屏時蒙召見上巡幸天津君恩眷甚渥從此鹽梅先有兆

莫將鄉思繫林垆藿浦因肝病將乞假故云

青縣道中卽事

不見翻風麥浪齊但看烟柳接長堤牛眠野岸初肥草燕掠

寒潮乍退泥單權賣漿依戍埃連筒汲井灌蔬畦懸知節氣

將苾種再望甘霖助一犁



五月二十八日泊舟鄭灣夜雷雨

雲漢經時望甘霖尚未回  
霏微常作勢懷抱幾曾開  
忽訝三更盡真如萬弩來  
老夫聞性斷驚喜聽鞭雷  
想像狂蛟起頻驚紫電懸  
長風橫滅燭急浪屢鳴舷  
版牖飛流壯鋤犁播種全  
江邨齊插稻我喜正歸田

戲題明妃出塞圖二絕

漢庭至計在和親  
憑仗良家靜塞塵  
將相俱應巾幗裏  
麒麟閣上畫何人

雲重天低塞鴈呼  
不辭風雪赴幽都  
免教衛霍稱飛將  
待得功成萬骨枯

舟過德州懷桂教諭未谷

海岱聞名久相思  
阻歷城空勞貽翠墨  
何計訂鷗盟  
佳士輒

心許異書猶眼明

君曾書此  
聯為贈

長吟刻南句  
慙愧負平生

僕人得白鴿二頰馴擾因賦之

扁舟下析津  
日行僅尺咫  
塵高斷鳥雀  
河涸渺魴鯉  
雙鴿適何從  
雪毛謝泥滓  
稍稍具稻梁  
時時傍書史  
飛鳴兩不用  
飲啄俱自喜  
我聞萬類生  
色為五行使  
此疑稟素商  
性不雜朱紫  
蕭蕭偶梳翎  
濯濯時舉趾  
雖非野鶴孤  
宛與江鷗比  
吾儕尚磷緇  
得母為所鄙  
先生辭軟紅  
故山侶鹿豕  
行將挈以歸  
相於老雲水  
我依蒲褐禪  
一泓照秋渙  
香清蓮葉開  
月澹蘋花靡  
朝夕任雙棲  
庶幾樂孳尾

將至濟寧先寄黃司馬小松及李布衣鐵橋

東琪

未

秀才映滄

南來畫舫似家居  
團扇生衣入暑初  
詩卷蕭閑吟鮑謝  
烟巒



重疊指淮徐雨餘水足全開牖旱後泥融竝荷鋤卻計任城  
城郭近喜同舊侶話樵漁

### 望太白酒樓

清濟朝來漲重經好繫舟詩才超一代勝地迴千秋烟月長  
如舊琴樽孰共游何如驂白鶴浩蕩過層樓

### 題何上舍夢華得碑圖

文進昔作看碑圖何君今寫得碑冊此碑之出本何所乃於  
孔廟危牆側沙礫紛披雜苔蘚杉楠颯沓叢荆棘嗜古誰能  
抱苦心險覓狂搜鬪奇癖知君好事愛遠遊每獲遺文等圭  
璧殘磚破瓦滿箒簾蠅刻蟲書遍几席移家近住魯王宮更  
聽金絲窮妙蹟忽看永壽紀元年約畧孔君存舊迹悉心洗  
別露菁華著手摩抄放光澤散花灘人小松別字本同趣澹灑隄

糜擅風格憶我往時侍

鑿輅曾遶宮牆肆游歷王家出穀

著史晨禮器重修志韓勅緬想炎劉重素王大書笏立依宗  
祔銷沈尚有夜光騰憑仗將來勤持撫今碑三尺字八行世  
次職官皆可釋蓬萊高閣未能收盤洲老人何自釋雖然鬻  
缺少完全已足珍藏雄石墨君曾惠我補萃編余撰金石萃編一百六十  
卷三復早經刊鐵摑此碣八分最瘦掣此圖一幅頗閒適他  
時如再發荒墟金薤無窮重纂輯

### 舟中無事偶作論詩絕句四十六首

郊祀登歌禮百靈白狼朱鷺振宮庭雌螽螭鼎饒殘鬻終是  
商周舊典型

已愛魚山又洛濱苦才多思是前因親親自試文章好不料  
宮庭出灌均曹子建



中散彈琴對夕曛伯倫荷鍤更何云嗣宗尚有懷堪咏醉後

工書勸進文阮嗣宗

廣武飛騰戰伐名鮮卑歸去事難成長吟別駕詩中句已抵

胡笳嘯月聲劉越石

欲試絃歌亦偶然何堪束帶小兒前不須更說河山感樂處

分明繼昔賢陶淵明

琢句雕章信絕倫千夫開道又何因早聞康樂霑新命羞說

文成欲擊秦謝臨川

范雲沈約詞皆雋何遜王筠世亦稀若向齊梁論作手要知

巨擘是元暉謝宣城

雜擬成來字字工蛾眉芳草論原通後賢從此參流別莫向

詩壇妄異同江文通

詩到齊梁麗更淫微茫哀怨總難任南朝宮體終徐庾又啓

溫邢變雅音

徐孝穆溫子昇

庾子山邢子才

四傑才華本絕倫紫絲步障賭鮮新江河萬古君知否寒乞

何緣得問津

少陵忠愛出天然碧海鯨魚一氣旋鼯鼠飲河才滿腹幾曾

窺見筆如椽

幕職何緣辱儁豪清和瑟怨總風騷打鐘晚約清涼去肯爲

諸狐奉太牢

李義山

路有冤言悼去華銅駝唳鶴更咨嗟楊劉演作西崑格誰識

孤忠接浣花

同上

杜陵白傅繼前修才調真堪侍鳳樓三黜何堪吟芍藥商州

纔召又黃州

王元之



滄浪才調蘇子 徂徠氣石守 大雅扶輪信不誣可惜都官真

黻線梅聖俞 也能傾動到歐蘇

華嚴樓閣筆端生萬斛源泉任意傾更有大名兼李杜後漢書范滂

滂母云汝與李杜齊名我亦何憾蘇公夫 烏臺瓊海任游行

蘇文忠公

山谷孤吟也絕塵巧將酸澀鬪清新淨名經在何曾似漫與

坡翁作替人漁洋云山谷詩如維摩詰經此語未必然

梁溪忠義本無雙李忠定 發憤諸篇金石撞宗忠簡公詩乘 可恨詩

家無頌述轉將宗派說西江

楊監詩多終淺俗楊誠齋 平園老去亦疎庸周益公 石湖居士真

清遠不獨驂鸞寫狀濃范石湖

躍馬彎弧志漸衰歸朝且喜近三台已成太傅生辰頌更擅

南園作記才陸放翁

不痛宗臣隕路岐趙汝愚 不悲偽學苦編羈朱子 秦關蜀棧淋漓

作恰值平原北伐時放翁與徽國文公友善而祭徽國文止

可以見其志 節矣同上 故事麟臺擅舊聞程待制俱 小雲林亦具清芬沈忠敏與求 參知才思

能多少幸有梅花契道君陳去非

九僧逝後四靈傳么鳥疎花各鬪妍那及霽山樵唱苦冬青

樹裏哭寒烟林惠陽有白石樵唱

沈痛由來數谷音詩留天地亦哀吟田園春日寧無謂總是

柴桑萬古心

漢庭老吏自評論王後楊前恐未真只愛楚蘭羅帕句杏花

春雨唱歸人虞伯生



掃除草昧啓聲名文憲宋潛文成劉青田一代英若論詩才誰

冠冕五雲閣下讓仙卿高季迪

長沙亦是出羣雄篝火狐鳴比未公若使竟同劉健謝遷去

江河萬古望星虹李賓之

高叔楊夢皇甫子循宛同儕疏越朱絃韻最諧季子歸子存

之高攀龍相間起依然風浴見幽懷

大復山人擅高格上兼鮑謝下高岑揚州烟月君休貶晚向

文成悟道心何仲默徐昌穀為陽明同年歿時頗有所得

獨開四部領詞壇大海回風散紫瀾可是文人耽慧業暮年

低首奉墨鸞王弁州

接跡東林幾社開指奸斥佞走風雷就論詩筆雄千古肯逐

滄桑付劫灰陳臥子

文章忠義冠同倫總角年華已致身幾社姓名全錄在誰將

風節繼湘真夏存古

家國滄桑淚眼中青門簫史永和宮琵琶盲女終輕薄莫怪

清言詆鈍翁汪鈍翁謂梅村詩如盲女彈琵琶唱蔡中郎傳葉訥庵短之以為鈍翁直不如白家老嫗見葉

文敏公清語吳宮詹梅村

九天咳唾下清虛姑射仙姿玉雪如可笑談龍書一卷東門

鐘鼓駭爰居王文簡公

胸貯華林七錄編沈詩任筆更誰先多聞第一原無忝還有

倚聲抵玉田朱檢討錫鬯

稼堂師法本亭林慟哭歸來慕向禽五嶽清遊詩百軸脊令

寧肯負初心潘檢討次耕

綴玉編珠絕妙詞追蹤王駱更何疑誰知水厄還難懺枉為



同人禮大悲

吳孝廉漢槎漢槎自塞外歸吳江舟覆而歿曾為納蘭容若刻大悲陀羅尼懺猶傳於世

百代風騷主盛唐詩壇端合繼高王

御製序文以高別裁

偽體親風雅不解羣兒故謗傷

沈文憲公

簪毫曾記侍

彤墀流落江湖做牧之摩笛彈箏蕉萃甚

風流儒雅亦吾師

商太守寶意

詩筆西泠是總龜書倉武庫更無遺知心獨有鮆溪叟新婦

初婚問竈炊

杭編修大宗末句歸愚先生贈其罷官南歸詩也

檢討儀曹正較量幡然歸去侶耕桑龍湫瀑布匡廬月收拾

溪山貯錦囊

家主事受銘受銘在都下甚有才各公卿皆傾身待之登進士眾謂必得鼎甲乃入三甲人

以比竹垞太史因三甲當授檢討也及以主事用觀政禮部人復以漁洋目之既授刑部主事乃以不諳律例謝病南歸

蒼生才思湧如雲落筆能空萬馬羣頗愛俳諧時有作不妨

蒼鶻打參軍

蔣編修心餘

落紙俱成絕妙詞江東獨步孰林知可堪萬里魚通路秋菊

春蘭吟楚辭

趙光祿升之升之沒於金川為魚通長官司所屬之地

訖雅揚風已絕倫叢書稗說互紛綸蓮華峯下魂歸去付與

麻沙待後人

程編修魚門游秦中而歿

酒賦琴歌寄興殊翛然姑射其清癯璜川書屋查山閣文采

分明繼石湖

吳舍人企晉

玉鈞擣素接風騷

君玉鈞斜詩擣衣曲仿四傑體最婉麗

擊鉢聯吟興更豪又有

刻燭集皆聯句之作

十疊聚星堂上韻一時才氣冠詞曹

曹學士來殷

楊家莊夜泊

黃河

戍邏林中見帆檣柳外停傍堤風浩浩催雨霧冥冥急電明

於月疎燈遠似星昏鴉飛接翅仿佛想神靈

將過維揚口占四絕先寄賓谷運使



歲暮紅橋晚泊船挂帆惜別重流連誰知半載仍相見信是鷗盟有宿緣

官梅亭下雪初銷往昔譚詩永夕朝勝地又逢賢地主題矜小集已開雕

先後 瑤階橐筆行一專督運一歸耕應知紅燭香殘夜同夢鈞天到禁城

綠楊城郭是揚州使節三年鎮上游祇是西溪黃葉路老夫先得權扁舟

酬賓谷見贈之作

新詩惠我勝瑤琨衰病何當比達尊枉負虛名酬物望得尋舊約荷 君恩陶情自展開書卷養性惟斟老瓦盆猶念

江湖顛顛士萬間廣廈待同論東南名士多在幕下

聞趙侍郎無病而逝

白髮童顏八十春香燈禪版見前因提來妙有真空話妙有真空四字侍郎嘗作語頭看

可惜當年自在身

生平密國最相知胡宗室公承珊同向西郊禮導師謂覺生寺僧際醒欲問

泥洹何處是兩人皆先歿華嚴法界曉鐘時寺內有大鐘鑄華嚴經於上

還家即事

已慚馬齒漸龍鍾更斷聞根聽不聰只喜新秋風乍緊半帆送我到吳淞

去年修葺半蹉跎几榻何堪遂嘯歌幸有朝衫差足典買花移竹費無多

經春入夏泊江湖賴得蕭閒養病軀宿疾漸平精氣在不煩醫藥叩淳于



黃綢被暖日初晴，偃息安身血氣平。著手摩挲還自喜，近來  
憊肉已重生。  
生涯冷澹三間屋，食料酸寒百瓮甕。比似鈍翁真不忝，繩牀  
坐到日將西。

重九登琴畫樓作

少時曾此輯瑤編，予曾輯布白首歸來意更便。十里湖莊  
黃茂熟，四峯雲樹翠微聯。振冠且作登高會，揜袖還裁寄遠  
箋。自此吟寒并薦臘，春燈社鼓度殘年。

元旦

已炷名香拜紫宸，喜看雲日又初春。欲更彩服參宗祏，好  
寫紅箋慶比鄰。堂構如新傳世澤，璇題有耀奉恩綸。子  
有仍侯春融回籍以示莫嫌衰老年年甚，調咏麻和幸乞身體郵之旨故以名堂

三月二十四日金秀才青儕

學蓮

諸子邀鳳啣及予

小集山塘舟次樽酒飛騰笑，譚拉雜書截句以紀之。  
禊飲桐橋僅兩旬，又浮畫舫綠楊津。江湖舊侶無多在，勝地  
招邀不厭頻。

銀海精神久不磨，何當退老似西河。天教閱遍江湖集，豈向  
人間作律陀。光祿先以微疾幾失明醫治經年而復楞嚴經阿那律陀無日而視

玉磬山房體格迥清蒼，一氣邁時流。相思巖社湖邊別，疎柳  
新蟬報早秋。劉子大觀有玉磬山房詩集今官遼左去歲別於高郵故及之

交翠堂前綠樹交，書牋畫幀滿梧巢。渠犁甌脫充詩料，萬里  
歸來手自鈔。謝蔣紹初

杜陵三徑三珠樹，蔣子莘及弟夔徵蔚示我新詩錦不如。弱弟兼能通  
竿術，九章八線步空虛。



梅葉聲詩叶碧簫陸子鼎有梅葉山房詩鈔小蓮風度韻春韶戈子襄有半樹軒詩

鈔秦淮更有吾家秀標格分明見六朝家汝翰自金陵來有師鄭齋詩鈔

多聞戴庶常許宗彥最堂堂才調雲間數二張謂與載與鏞皆余門人

安得德星來聚此搖毫擲簡鬪詞場

詞章經術兩能工張子約畧清裁似孝豐門人李子賡云遠

近相思俱不見何緣譚執一樽同

瞿遠邨兆騃招飲輞師園

城西遊宴又城東折簡招來上客同筍屐籃輿分路到梅坪

竹塢傍橋通輞師宅第今猶昔詹事文章老更工錢曉徵宮詹作記

酒罷長廊還散步摩挲寶刻興無窮壁石刻劉石庵家宰詩

輞師園雜詠

輞師不可作獨有園名在羨君躡前蹤幽居倍爽塏輞師園

本為萬卷堂今賸冰梅瘦須搜七錄書用繼二游後梅花山房

入徑聞濃香滿植淮南桂招隱間招賢相於咏秋霽小山叢桂軒

小閣遠連空明漪清見底未許二分垂濯纓差可喜濯纓水閣

詎屑同其塵頗欲履而至中慮亦中倫似希柳下季館和

海月迴未生山風澹將歇此景應更幽何當叩康節月到風來亭

非霧復非烟繚繞層岡右知君高臥餘一笑謝出岫雲

竹外一枝斜仿佛花光畫準擬風雪中小軒其清話竹外一枝軒

妙道本非常既虛何所集與之相委蛇名言豈能及集虛齋

蔣紹初招同鳳喈曉徵集虎邱塔影園

首夏名園載酒過惜惜芳樹正清和吳都文粹風流遠笠澤

書存隱逸多褻屐快聯新舊雨琴樽競奏短長歌明朝萬口

傳應遍肯使良游等逝波



恆春橋二絕

恆春橋下水縈紆半入蓮湖半泖湖誰唱權歌微雨夜忽驚宿鷺起菰蒲

垂柳垂楊臥碧流往來每礙木蘭舟篙師已報開新路一任詩人載酒遊

蒲褐山房花藥盛開賦七絕志之

玉蘭花謝繡毬開芳草茸茸滿翠苔天意似憐春色澹辛夷數朶拂牆來

海燕穿簾畫閣深日長人靜晝悄悄竹欄晚出貓頭笋還吐芭蕉一寸心

高良薑放滿庭堦蝴蝶香魂亦弄姿行過小池清淺處紫荊將坼紫藤垂

菰蒲簇簇出清漣葭菼齊生渚石前忽聽鯨魚聲潑刺蘋間

荷葉又如錢

刺梅玫瑰不成行常棣薔薇滿畫廊誰與酴醾爭粉豔十家

姊妹鬧紅妝

經歲栽花滿綺櫳只愁將次餞東風山僧也欲留春住添送

當歸數串紅

虎邱僧福山以綫穿牡丹為贈即當歸花也

檀黃點點菜花齊淡墨鱗鱗豆莢低一望如雲知麥秀春收

不用祝豚蹄

琴畫樓西田數十畝油菜花盛開

立夏偶作

黃泥山筍食單珍碧渚芹香亦可人最是老夫快意處今年

飽食太湖莼

三泖近不出蓴來賣者皆太湖所產也

蠶豆初登味最甜櫻桃紅瀉小雕奩兒童只愛青梅脆皺卻



雙眉索點鹽

莫此削玉白如肪斷得甘藷七節長知道今朝逢立夏蜜林

擒酒隔窗香

新來石首滿江船又說鯧魚不計錢只是病餘葷酒斷旁人

錯認似修禪

絕句

風風雨雨未曾休已近黃梅過麥秋五月荒村寒尚在中箱

幸未典羊裘

擁絮披綿日漸融破裘已綻亦蒙茸安南織葛高麗布單裕

衣衫任剪縫

昔年屢叨高麗布安南方空賜今尚藏于笥也

魚麥休懷舊日船柳波雲舫足洄沿

予昔年製魚麥船蓋取元次山句久零落無存

矣去歲南歸瑤華主人宏眸以柳波雲舫畫卷為贈歸買一舟即以是名之

恆春橋在榆陰裏跋

腳看書自在眠

同學同年侍

禁闈乞

恩先後遂初衣扁舟來往纔三

舍佳話繇來自古稀

余以請謝豁免積欠恩與鳳喈曉徵同見布政使張君誠基詢知余三人

少時均在書院讀書嗣會試同年今又皆致政家居詫為異事

垂老何堪辱俊英七言百韻竝崢嶸豐城劍氣騰牛斗果看

同題桂苑名

癸丑予年七十全椒汪上章庚長洲陳肇嘉鍾麟均以七言百韻律詩來壽明年同登鄉榜益

信異才之必售也

酒社詩壇付劫塵山陽聞篴輒雲巾誰知二老山中住細問

生年竝甲辰

余向與吳企晉趙升之諸君及念亭靜菴兩僧結吳中詩社今多下世者昨過中峯及德雲庵

則兩僧俱在面貌盡然問其年則皆七十二矣為之拊掌不已

接跡風騷賴後賢投來行卷正紛然與儂銷夏真堪樂一日

閒窗看一編

近來江浙士人多以詩卷相質有三十餘家



花影迴廊叫畫眉春禽正值雉毛時東風吹到捲頰聽不似  
秋蟲苦絡絲

衰病

衰病連年剩此生追呼尚復到柴荆

時雲南以銅鹽各案虧空數至二百餘萬議以

二十年內督撫藩使分贖余應分贖二萬將悉以田宅償之

西疇未得畱三頃南面徒能

擁百城老去耽書希伯業歸來乞食似泉明高風賴與前賢  
在肯向人間訴不平

料理塾南書庫示從孫紹成

刻意經營五十年典衣破產不論錢敢云嗜好同先正卻望  
編摩待後賢鼯鼠飲河難滿腹蠹魚觀月未能仙大成要統  
三才畧坐井何由便見天

偶題

疎疎微雨過東牆午夢初回日更長  
么鳥伴人來好語名花  
愛我送清香試茶不是頭綱餅煮藥還抄肘後方猶喜山廚  
清供備一甌豆粥已先嘗

蒲褐山房前連日桃花玉蘭間發時八月中秋後二

日也

清秋臥病苦咨嗟天借東風啓物華纔報小桃紅破蕊玉蘭  
又發隔池花

度城湖

湖小圓於鏡風微一櫂過漁鹽村市散燈火客航多矮屋穿  
蘆荻危橋翳薜蘿震川空有作忠孝竟如何

震川有度城王氏忠孝堂記

胥口

冉冉斜陽盡迢迢暮靄連湖山真浩淼水月更澄鮮鐘鼓青



駕寺帆檣赤馬船不須凌絕境對此已翛然

訪吳愬甫未見獨往三峯

故人臥疾與誰同獨上籃輿出郭東楓葉經秋猶似畫香林  
過午不聞鐘尋碑先有山僧導乞茗頻煩候吏供徑造三峯  
最高處半崑雲氣捲天風

再宿雲棲

昔至秋正中茲來寒已峭入門禮慈雲陳情已得告所嫌習  
多聞道力乏深造退見老頭陀豈免中心悼識神尚紛紜年  
齒逼衰耄云何証無生藉以畢懷抱坐久香烟殘竹風遠舒  
嘯敲枕未敢眠長明耿餘照

桐鄉訪門人金西曹雲莊德輿

橫橋界小溪蕭瑟萬竿竹頓覺清風寒照此征帆綠桑柘已

久枯蠟梅頗可刷遂造主人居荒城等郊牧閑扉畫常掩俗

侶矢弗告花影上書籤茗香浮畫軸計自遂初衣十載理幽

獨雲莊謝病歸田亦久矧有同心人謂蔣君龍光方君薰賞雨其茆屋頗喜道心

深詎願生事足嗟我幸歸田貧病尚局促水程百里餘未獲

遂信宿所期肺氣蘇兼俟春暉煥抱被過高齋論文再剪燭

奉勅召預千叟宴北行喜而有作

閒居日月慶升恆又遇熙朝鉅典仍方念觚稜殷夢

寐敬聞綸綍更飛騰雲階千叟扶筇進玉殿

重光受冊登衰朽何緣瞻盛軌紫薇北望結行滕

梁溪道中鈕布衣匪石樹玉以方輿紀要圖見寄

方輿圖繪久沈迷刻本惠我真同刮眼鏡聚米動關天下勢

建瓴論與古人齊河山兩戒依珠斗日月中州驗土圭九域



百城忘欲盡水窗循日更參稽

泊舟江口作

又喚金山渡還依鐵甕城浪高舟自湧雲暗塔猶明跋涉風  
霜厲蕭條歲月更一樽寒夜酒款曲算行程

清江浦

輕水薄薄水粼粼出土來牟綠未勻料峭西風時拂面殘冬  
節候似初春

沙窩在滕縣

曉發狐貽道征塵信馬蹄星臨殘夜迴月入亂山低細水斜  
通渡寒沙曲抱隄遙聞清柝響孤驛斷雲西

鄒縣道中

斑車宛轉度魚梁鳧繹龜蒙道路長蕭寺人稀禽語亂驛亭

行近馬蹄忙澄湖漲落浮沙白遠嶂雲開夕照黃猶有丹楓  
如畫裏微吟側帽興難忘

行次汶上

魯道行猶昔汶亭望未遙風沙吹短鬢雨雪上征軺亂水蒲  
灣泊寒蕪柏浪橋斷雲空磧晚蕭瑟下盤雕

憩阜城

風動寒沙響雲深曉日昏鷄豚棲古寺牛馬散荒原亭障虛  
傳柝村墟盡閉門晚晴更短褐頗覺似春溫

聞胡少宗伯煦追謚文良作

易名 曠典下 金鑾逾格 覃恩自古難漢室直臣稱汲

黯曾劾河東總督田文鏡 商家舊學念甘盤向直上書房 書存館閣儒林重

所著周易函書錄貯文淵閣 名照旂常士類歡薄海聞風應共勵好將經



籍肆窺鑽

寧壽宮侍千叟宴恭紀

旭日瞳矐照八埏欣逢

壽愷布長筵霞杯春浥瓊霄

露兩次皇孫以玉杯

命諸賜酒

鶴髮香縈寶篆烟擊壤謳歌盈大

地承雲雅樂播鈞天久欽

鉅典超千古又合

喬椿

重引年乾隆五十五年已舉千叟宴

壽宇宏開久道醇揆文奮武總殊倫鼓書祕檢羅淵府鑿齒

雕題隸廣輪寶莢先春迴六甲臘月二十珠杓應候麗三辰

何期解組歸田後重見

堯堦慶典頻元日

登極是日

立中宮

星輝南斗映彤墀皓首麗眉共致詞碧落光華昭復且青

郊豐稔樂榮祺

十全文啓

有十全記

御製千禧集

五福詩成

自乾隆辛亥年始春初筵宴以五福分題至乙卯詩成

萬壽

期皇極殿開崇建極箕疇敷錫鞶丕基

宴設皇極殿

解凍風來節候回祥光淑景上樓臺笙鏞法曲臨霄起羽扇

鑿儀映日開繞

座雲仍

五世列盈階珠賚萬方

陪時高麗安南日本各藩使臣皆宴殿外

袞衣繡黼爐烟裏八表元臣晉壽

杯首輔英勇阿公進爵年正八十

九華宮殿列疑丞

時與宴三千餘人王公及一二品皆坐殿內

賚予便蕃拜手

承禮部詩紀新正重肇慶

正肇慶台開筵句

器頌如意示

嘉徵春鳩刻玉攜靈杖彩鳳盤金簇錦綾

御製詩暨如意壽賜

杖錦綾各物

天與

皇家添勝景如花瑞雪上衣稜

宴時雪花飄颻

觀燈清淀備賡颺

乾隆庚子北口蒙

南巡扈

奏凱

曾叨宴紫光

丙申歲金川凱旋賜宴於紫光閣

今值仙萸開四葉又看



玉醴集千觴麟游鳳翥嘉祥協鼇禁螭坳麗景長  
壽九旬臣近八重來舞蹈綴鶴行

翁學士振三吳侍講毅人諸君餞別并以詩卷贈行  
白獸尊開備燕私重來高館奉金卮蓬瀛地迴交原久湖海  
人歸醉不辭畫省香爐增悵惘琴歌酒賦慰衰遲諸君後夜  
東南望定有星虹貫水湄

同作

錢塘吳錫麒毅人

典禮熙朝盛江湖老輩來兩年歸白髮千叟會春臺氣  
得文章助身叨雨露培觚稜知有戀臨別首頻回  
才把一杯酒忽忽奈別何春風吹柳色二月渡黃河我亦  
耽蒲褐歸應證薜蘿吳淞舊游路準約白鷗過

題桂未谷思誤書小照

疑義誰人共解量尋思轉覺意偏長蒼茫獨立真何似著作  
原應仰屋梁  
身輕飛鳥杜陵詩一字殊堪十日思從此胸中無宿物不妨  
傳信更傳疑

羅兩峯畫二妙寫真圖為翁振三題  
二妙一為妙善  
師一為妙應道

手攜九節筇上蔭千尺松羽人釋子來相從山澤之癯道德  
容諦視乃是長帽翁翁貌千載傳遺蹤鷗波亭筆稱最工  
趙  
雪畫公笠屐已似悲途窮  
宋牧仲所陽羨石刻蒼苔封  
宜興  
書院石刻亦作拄杖  
今之作者由兩峯畫思微茫夜夢通忽然落墨心  
神融兼寫二妙清而雄蘇齋位置名香供是齋曩日名吳中  
在桃花塢蔣氏吳給諫曝作記并賦七言義門書法翩驚鴻  
古詩一章和者甚眾見王時憲性影詩集



春風堂集卷二十二  
三徑水石紛玲瓏名人題句盈紗籠北平學士雅好崇雙鈞  
鈞得懸綺櫳又獲是畫摹昌丰如見披髮騎飛龍一月映水  
千月同知公應亦懷江東我欲圖此歸吳淞仰視奎宿明高  
穹昔傳公為奎宿

別金青儕後卻寄

暖日春開客路塵禁城分袂意難申欲將彩筆酬知己還向  
蘭陔憶老親後夜關河勞遠夢衰年風雪記征輪憐才賴有  
金閨彦謂釋堂閣學想見論文剪燭頻

初四日夜

西風捲雪尚清嚴絃索枵枵阿鵲鹽坐久忽看雲漸霽如眉  
新月挂茅檐

沈同年方穀招飲

宴罷鈞天趁水程綠楊遶郭片帆輕故人屢見情偏厚勝地  
重過景更清時游平山堂只有江山懷永叔誰將詩酒繼新城更  
搔白首郎當甚譚笑何由一座傾

閨秀駱佩香

綺蘭

贈聽秋軒集因題其後

烟月紅橋放櫂遲青綾帳外見新詩昔時綠淨何人繼端在  
香闥絕妙詞

句曲溪山似玉京游仙詩句不勝情須知標格冰霜冷正與

瑤臺一樣清

佩香有游仙詩二十首

落葉哀蟬少日愁殘年梵筴事熏修何期瓜步東風裏未了  
吟春又聽秋

將赴婁東過趙屯浦書所見

溪路低低畧約人家曲曲籬笆雲生欲迷遠嶂潮退初出平



沙  
雨霽欲生豆莢春寒未損花臺禁烟時節初過綠水柴門晚  
開

題太倉于刺史滄來

鼇圖賑粥圖

峩峩古刹婁江濱帶筐攜杖千百羣形鳩面鵠衣懸鵠曰惟  
往歲潮怒奔漫澶秋水浮湖潏熙熙赤子丁荒迤堯水湯旱  
絲祲氛散利弛力古所敦君請飛章入 紫宸日五百里來  
恩綸或振以錢賜以銀餘出玉粒開倉困散爲饘粥炊  
蒸薪學山園址良可因短竈曲突釜鬲陳位置瑣屑靡不均  
下令穆肅若治軍手指口敕勞諮詢分籌畫地言周諄維時  
冬月在困敦風饗雪虐手足皴慊從騶御多酸呻蝶樓吹角  
夜向晨烏鴉膈膊催朝暎君也不及謀饗殮衝寒先至偕簪

紳部勒已定招饑貧扶老襁幼闐城闐相排競進疑麕麕以  
次就食無紛紜有噲其饁稱芳芬食竟鼓腹兼吹脣不覺肢  
體回春溫星移斗轉迨九旬東風解凍月指寅幸免道殣歸  
耕耘額場拜頌刺史仁使君動色稱 皇恩諸生橐筆圖

其真欲俾勞績傳千春我昔布政臨匡溢

子以戊戌冬在江西值南康九江水

災親往發賑

偶值盛漲逃匡垠承

旨稱貸億萬緡山陬水澨

常行巡猶恐疾苦多沈湮如君痼瘕等在身調卹周摯無因  
循鄭公賑青史所云清獻賑越徵曾文今得此卷世更珍愧  
我筆力虛千鈞斷詩聊用昭辛勤

鄧菽原來訪卽送其歸浮梁

喜聞剝啄慰分離苦語愁情好共知豈有文章傳虎豹  
何能談笑卻熊羆風塵莫恨功名晚鉛槧休教著作遲爲語



西江同學道牛毛麟角最堪思

婁東書院即事

竹簟紗幬趁曉開微颺已覺散恢台臥看一縷茶烟細自在  
穿簾上石臺

汪編修敬箴

學金

招同稽菴浦小集并以衡山畫卷

索題時值靜厓園号落成次韻

卜築原非慕陸沈烟蘿有夢思難禁試看翰墨停雲畫正似  
松篁小院陰卻暑迎涼花掩冉安禪結界徑幽深廿年京雒  
三人共把臂何緣竝入林

許太守秋巖過訪

衡門小徑久荒榛聞報前溪泊畫輪騶騎不教驚婦稚篠簳  
先已動村鄰九秋風雨歡良晤三泖雲山話夙因

君尊人官華亭最久

酬得往年雞黍約深杯相勸莫嫌頻

予職事湖北會過君居

病中和于滄來重陽二首

落帽題餽興久闌冥冥微雨悄生寒年衰豈藉萸為佩秋暮

猶聞桂木殘伏枕頗知耽寂靜開樽何自共清歡

滄來及敬箴招飲皆

不赴茶爐藥鼎書窗裏獨臥藜牀似幼安

侍史傳來尺素長清詩有味勝膏梁砌苔乍歇終宵兩盆菊

仍飄滿院香休望雲山懷故舊

來詩有鄉思之語

且乘風月占清涼

況聞厪念河渠切待放扁舟水一方

時聞劉河淤塞將往開濬

九月二十三日夜

夢回清夜闌稍覺霜華冷殘月出東南忽送梧桐影秋葉隕  
已疎喬枝遠相竝寫入紙窗間高低亦斜整依然水墨圖誰  
與染柔頰砌蛩寂不聞宿鳥偶相警俄從綃帳移猶伴孤燈



耿翛翛几席幽寂寂心魂靜敲枕豈能眠彌愛寒更永

秋暮偶作并示書院諸生

問字人本稀蒼苔印鳥跡我病不自聊坐觀鼻端白忽見梧  
桐陰移影上東壁橫斜各有態濃淡杳無迹於焉悟天機對  
此宜永夕撫景信怡情誰云苦岑寂

東林持風教幾社乃繼之二張溥起東海應和如墮篋豈憂

謠詠甚行恐名節衰博聞謝弁陋清議關安危願同黨錮禁

詎畏偽學譏卽今去已久信守當不疑諸君生其地望古相

追隨顧夢麟陳珙陸世儀江育郁敬樂道均堪師

時文雖小技將以闡聖賢吾鄉數遐叔徐思曠澹泊全其天常

誦檀園序欣賞非徒然梅華出冰雪淒冷增幽妍但以奉時

好盤柄殊相懸何當焚妙香靜對開芸編

詩道久榛莽百鳥爭啁啾生平五十載頗能辨源流先貴學

問博次尚才氣優終焉協音律諧暢和琳瑯所得敢自祕勞

子頻咨諏識塗須老馬世幸毋訾尤時將刻碧海集及詩約

題鮑氏慈孝堂圖

宋鮑宗巖歛人同子壽孫居棠樾寇至縛宗巖于松

將殺之壽孫願以身代宗巖曰子死無以承宗祀父

子爭死賊義而釋之後生二松一作詰曲被縛狀一

作僵僕乞哀狀事見宋史揭傒斯題其堂曰慈孝明

成祖以詩紀之本朝撰圖書集成亦載其事裔孫

志道於其地作祠并圖其事丐世之能文者

一人殼觶依喬松一人徽纒纏其胸一人礪刃白於雪兩人

持械翼以從一人額塌泥沙中時危勢急援球絕空林蕭瑟



來悲風是爲龍山鮑氏畫生值宋季遭羣凶烽烟早經毀我  
室鋌刃誰復悲思翁子也鞠臙願身代不辭膏血霑蒿蓬父  
也還厯宗祀斷願先就戮無憂忡喬梓爭死賊駭散白髮幸  
獲離兵戎奇節偉事震鄉里嗟嘆父老驚兒童史臣載筆重  
孝義已入列傳昭蒼穹長陵作序詩兩首五十六字侔星虹  
國朝圖書更淵浩搜撫至行書其蹤垂之萬禩示海甸雲  
仍奕世猶昌丰雙株五粒漸枯槁堂構仿佛存形容文孫更  
以翠石礪東山書法如南宮我友孔東山名賢題句星日同  
愧我筆力衰而庸題額先有豫章公揭侯斯封慈孝兩字傳  
無窮

爲顧秀才千里

廣圻

題其兄抱冲小讀書堆圖

黃門侍郎讀書宅近在淞南舊蹟曾聞古篆得春申名動

天人人孰識

見法苑珠林

千年遺澤蕃漢

亭林先生小名

傳生平私淑窮

高堅喜君鄂不繼絕業勃率禮訓兼詩箋

昔人三年通一藝專守師傳精古義次乃涉獵采羣言閱年

十五良非易邇來餽旬誇搜羅摭拾星宿遺羲娥盈科漸進

聖所訓記醜而博將如何

李杜名節鄭服經東京風尚高峻嶒雕蟲小技寧足道識字

亦以研羣經松厓徵君耽古籍三載廣陵其几席緒言猶在

爲君陳百行程朱守圭壁

定字徵君室中懸其尊人天牧先生對云六經師鄭服百行程朱

桐橋日暝春融融與君

謂千相見樽酒同衣冠必中動作慎

氣象頗有前賢風惠施既往沈

果戴東逝賴有君家好兄弟

應作金華獨角麟剖析微言疏大義

小讀書堆小松作上有飛泉千仞落喬林灌莽護茆堂玉友



金昆同寄託嗟我衰遲舊學荒識涂尚得馳康莊他時一權  
相過訪自古在昔窮虞唐言猶大難

題唐明府陶山仲冕荆溪畫卷

秋林颯沓風蕭條白雲滿地波迢迢悠然有客乘小艇兩頭  
茶具兼詩瓢一桁離墨峯岩堯玉女罨畫紛蒲菱溪山少小  
憶曾到輸君作吏恣遊遨鳴琴已播循吏譽選勝復具高人  
標此非爲政尚簡易豈能清暇耽幽寥君家本住山水窟衡  
岳綿亘瀟湘交紅梅白雪杜老羨我亦奉使停松橈回視銅  
官拳石耳何爲娛悅同娥媼詞人自古嗜岑寂輒以名勝供  
風騷今君量移向震澤雪灘鶯脰鳴秋濤漁郵掩映垂虹橋  
當復逸興追三高古賢出處雖異軌雅尚初不忘林臯漫叟  
窪樽輒載酒魯公石柱時揮毫懸知班春更治事常履民瘼

仍憂勞當今吏治多吳敖新絲舊縠方號眺拊循定懷夷中  
句慈愛應復春陵謠政成他日乘傳去吳淞再剪圖生綃

正月初九日鍾賈山舟中

斜川游罷憶同羣小挂烟帆六幅分將訪張坤厚兄弟雲未全銷思

釀雪風初解凍欲生紋聞居已獲田園樂勝侶同高翰墨勛  
昨松江汪慎儀啓蘇州徐澹如葵袁又愷廷  
檣蔣于野莘太倉王介人文路皆以詩文來質吟遍九峯青  
歷歷又看塔影挂高雯張氏所居有塔射園在西林寺北

斜塘曉行

西風初定快揚舫細雨濃雲尚未醒漁浦潮回波漸綠潮水渾故

必退而江女牆春晚草全青已收枕簟陳茶具還炷鑪香展

道經忽忽前塵猶似夢酒樓長笛唱瓏玲

蔣紹初招集拙政園次趙雲松韻



澹雲微雨罨樓臺三逕琴樽傍水開花木百年猶似舊江湖

二鳥恰同來時雲松從討春尚有香車集授簡欣看玉樹才

謂于野更喜嘉禾詩畫客北窗跛脚共徘徊嘉興吳竹虛履能詩畫亦寓是

園

題敦初龍門攬古長卷二十韻時與黃小松武虛谷

同游

黃河北折環龍門伊洛涇渭交奔渾名山連綿千里疊勢與

二室爭嶙峋古來名區屬三輔民廩佛舍疑蜂屯唐初東都

屢臨幸鸞旗翠罕尤紛紜公卿游觀亦空集好事鏡刻延崖

垠龍跳鳳翥詫墨妙霧深雨颯嗟苔昏登登何人來手拓惟

有葛朴相扳援偃師仙令抱勝具出宰山水情彌敦印牀花

落自吟嘯暇日眺覽開車幡同行兩君咸嗜古高尚亦似雙

鴻鶩登頓不辭坂路險清曠喜謝風塵喧南瞻熊耳走地絡

西望蓮岳摩天闔手披榛莽索金薤字青石赤親摹捫攜歸

香廚證經史并寫長卷誇同羣七賢過關古所羨此游此畫

侔前人我昔持節臨三秦韓城朝邑驅行軒茲山相對不得

往惟望雲氣連蒼雯今晨展卷差快意宛踐夙夢清神魂生

平金石等昌歎二千餘軸熏香芸君如狂搜獲祕寶再望惠

我同瑤琨

得吉水彭明府秋潭書卻寄

雙魚迢遞寄郵筒矯首天涯把臂同名氏定留循吏傳詩篇

更見古人風十年客髯憑憑懷想三楚雲山藉夢通回望故鄉

知太息潢池烽火近巴東秋潭長陽人時楚蜀間寇盜未息

玉中丞達齋德招阮學使伯元元蘇鹽政楞額同游



西湖瑪瑙寺

料峭春寒薄霽天相招同上泛湖船勝游難得偕三益好景  
重尋過十年竹塢梅坪資遠眺舞袖歌扇樂華顛不須鶴筆  
披風雪已恐游人擬散仙

阮伯元招鮑秀才以文廷博丁教授小山杰朱秀才

映濬錢貢生晦之大昭陳訓導映之焯張進士子白

若采許孝廉周生宗彥臧秀才在東鏞何上舍夢華

再集瑪瑙寺

東南冠蓋共趨陪畫舫青簾樂溯洄門下生徒驅籍湜卷中  
文采壓鄒枚品題共望三都序甄錄將收一代才老我齒危  
兼髮禿謬叨祭酒見史記註主樽壘

訪主雲上人於淨慈宿聽松軒與朱映濬及僧慧照

夜話

澄湖一曲映樓臺躡屐扶筇訪舊來春草不教三徑沒寒梅  
正伴六花開雲烟妙賞畸人筆時出溪鐵生畫幅詳論金石編須上客  
才時伯元延映濬纂山左金石志話到深更鐘已定挑燈猶撥竹爐灰

再宿聽松軒作

再向僧窗宿香燈夜更幽湖圓明似月春早冷於秋得意言  
何著忘身夢亦休微聞風霰急棲鳥墮簾鉤

雲棲夜宿石悟軒與首座初樸上人夜話

五雲今又登寒山益蒼秀日晴宿霧收風急江濤吼流傳念  
佛門淨因最嚴究佛昔次圓通聞根在其後一車而兩輪立  
教實左右是以諸菩提各自數無漏獨此五十二同倫陳所  
授三界與十方羣生均在宥慈氏在兜率上升亦應候餘或



綏法忍或以愛禁咒皆得侍座下况在無量壽南北暨阿闍  
願力此獨厚縱歸不二門得壹乃成就凡見轉淨見超越自  
離垢云何禪淨分參學盡雜糅誰能入方便頂禮質靈鷲茲  
宿石悟軒軟語窮義囿始知樂邦文當機俱可逗明星照滄  
江殘雪消戶牖無寐亦無言盡寄篁村叟篁村亦時來此題詩在壁

宿理安松巔閣

山從西北來行勢互蟠結九溪十八澗琤琮響冰雪松杉既  
蕭森蒼筤更蒙密法雨古道場清規尚修潔時聞禪版鳴妙  
契何由徹巍峩藏經樓五部香廚設且有翻經人於茲求解  
脫湖雲起層陰金烏澹將汲名茶進伊蒲花龕香亦熟解衣  
聽殘鐘超然泯言說

自楊梅嶺經點石庵法雲石屋二寺皆荒廢而風景

幽絕各記以詩

南屏西去曉雲空酒店茅茨積翠中不見黃梅烟雨候滿林  
盧橘綴殷紅

殘僧三四掩殘經點石何人著意聽蕭寂不須尋水樂坐聽

方響奏瓏玲未及游水樂洞

法雲寥落半荒苔仍有梅花樹樹開水石蒼寒人罕到誰招  
檀信禮香臺

石屋凌空法像齊洞中無路躡丹梯誰知慘綠年方少常記

清游到處題洞中有金生誦清萊題名

韜光寺

武林富烟水嘉植豐蒼筤最甚數雲棲其次惟韜光陰陰不  
見日春半生秋涼盤陀十九曲綠染鬚眉蒼伽藍蔭松柏花



芍東西廂茗飲未及畢屬我觀縹緗卷中諸佚老蕉萃嗟滄

桑冊中有吾鄉柏起步修廊北薜荔纏危牆沈泉出微竇池

底珠成行山僧引竹筴宛轉聞淒鏘殘雪積巖背偶見幽禽

翔峭寒難久竚徐下穿崇崗猶聽午時鐘遙共香雲長

秦小峴招同潘侍御蘭垞庭筠及萬秀才近篷福游

龍井寺

微雪曉始晴山山出新翠澄湖漾清暉沙路淨初霽側聞風

篁嶺名東村墟最幽異主人儒雅流更屬名賢裔導我游龍泓

松杉渺無際入門禮香燈宛見無雙士瓶盞高僧陪辨才得

三昧想當良夜游月露濕衣袂時聽石澗鳴翛然出塵世况

我辱佳招喜有同人至小飲頗餘寒清言雜談藝他時論芳

徽幾與前賢媿當時參寥從像設豈容棄幸當續成之并入

斯游記按淮海記有過道人參寥之語而寺中未塑其像又按此記尚有山谷書今祇存董思翁臨米南宮書石

皆缺事也

孫臬使令儀嘉樂孫侍御貽穀志祖沈觀察榮

勳龔太守匏伯敬身張主事虞琴時風皆門人舊屬

也置酒相邀感而有作并憶沈觀察函九世燾于廣

東吳進士倬雲齋于吳縣

浮沈宦海各還鄉促坐開尊話舊長豈謂禮宜先一飯自嗟

目已近三商分符共著專城績起草同含畫省香猶有天涯

羈滯客東吳南粵路蒼茫北天

次律宿世為導師懺堂階級文忠知往來分段豈可思方隅

眼被名僧嗤中丞金貂直七葉君為滿衛霍族望雄台司曾



聞旬宣過皖水忽見蘭若臨江漪徘徊駐馬深有悟檀波許  
 以新頌歌重來宏構功竟藏排空巨扁當文楣擘窠大字如  
 雲垂苾芻鞠脍前啓問為述舊願驚嗟咨刹那彈指五十載  
 當年記芻良非欺剡藤繪此天人姿不聞不見安毘尼旁有  
 壽鹿銜靈芝躡雲亦見胎禽飛喬松翠竹相因依前身風景  
 當如斯今者坐鎮西湖湄四百八十環玻璃緇衣已欣被慧  
 力蔀屋尤愜宣宏慈漸江豐稔滄海奠惠此南服增雍熙團  
 蒲跏趺證三昧直與簡耶無成虧簡親王好佛管理浙江巡撫時跌坐見屬吏合十和  
 南珠林况多白足侶談空說有堪娛嬉生平我亦懷保綏楞嚴  
經或護禪定保綏法忍是等親佳如來座下投老猶復慚塵羈君如相招入蓮社  
 願挈坐具攜軍持

為阮伯元題修書圖七言排律三十韻

娜嬛僊館對芳叢奉 敕修書小宋同蕊榜聲華超冀北綺  
 年譽望滿江東丰裁世擬鳴岡鳳才藻羣驚戲海鴻演贊淵  
 源宗許慎方言訓詁采揚雄淹中墜箕資衰萃棘下遺編待  
 發蒙副墨旁搜窮渤海刻山左金石志牋詩別證步圓穹辨鄭箋問  
辛卯日星迴華蓋精芒煥地接文昌 眷顧隆振珮恒依

青瑣闥鳴鑣長觀翠微宮含毫潤挹三清露投簡明分二等  
 缸碑考堂谿追缺畧石疑元度究昏瞢謂修石經校出誤字甚多退朝黼  
 黻香猶漬下直采慰日尚融呵殿初聞停騎卒掃門已見走  
 蠻僮槿樊宛轉無塵到苔石哈呀有徑通涼吹微生蕉颯爽  
 暮雲將合柳溟濛烏皮似試龍賓膩繭紙徐題虎僕工錦暉  
 半遮花匝匝香廚恰對碧玲瓏大羅天迴烟霞麗小西山深  
 弓軸充勝侶自應稱玉女用歐陽公戲韓維事仙曹端合媿金童朝雲



况本從坡老樊素由來侍白公祕檢分攜綠綠薛鈿函互捧  
傍青桐羊腸乍轉名茶熟馬湏高擎  
洵不少流傳圖畫更何窮絲綸夙炳重霄上旌旆新移兩浙  
中尺爲量才鑄水玉鑑能照物淨山銅文章軋茁因時改後  
彥駢闐入顧空杞梓全新涵化雨菁莪共喜樂從風溪山到  
處歸游屐絃酌隨宜具酒筒談藝人多絳帳啓留題句富碧  
紗籠清標君已齊思曠羸老吾真愧濬冲想得薄寒生半臂  
烏薪添炷獸爐紅

賞雨茆屋小幘爲王秀才介人

文潞題

賞雨在茆屋司空喻詩品葯林顏其集  
昔余友仁和符幼魯有賞雨茆屋詩集  
雅好性所稟君何嗣此嗜英氣謝踔蹠遠嶂半繡慘涼颺忽  
潛凜香茆四五椽旦晚藉高枕膝前數冊書咀嚼逾殫臆不

嫌舌本乾峽山佐清飲陸郎作茲圖

圖爲陸子學欽作

蒼翠寫墨瀟

兼以半格詩風流映湘簟故人惜不見廿載泉下寢今君持  
卷來幽懷堪細審意況想蕭森閑情識悽澹短溜動篔簹餘  
音雜葭菼因茲妙悟心助我悲秋感豈云今昔殊相契付鉛  
槩簷花斷更飄一任重門掩

題陸璞堂適園圖卽送其赴江西六十韻

適人不自適苦被南華譏所以清淨退古哲留成規翛然喻  
適意渺矣凌霄姿自嬰人間世已爲塵網羈一往因勞攘無  
由悟希夷矧乃列仕版職業鄰台司風霜患駁塚簿領甘饑  
疲下以免官謗上以酬主知天民類惶遽何暇尋娛嬉伯  
時西園集安石東山棊清游僅一快欲去參然疑誰於山水  
際昂首長伸眉君生際盛世信步登瑤墀玉堂播制作華



省標襟期新承 綸綍重持節西江湄折獄信非易威惠應  
兼施奸民偶反側劇盜常睢睢是當養且教母或成流離陸

草木疏泉關西謂之流離 豈徒省鞭撻尚亦嗟瘡痍此圖雖祖德竊恐非

其時試觀橫卷內長松陰檐楣疎花間瘦石野鶴依喬枝菘  
臺未作花青青連荆籬雙僮共澆灌汲井聞流澌主人振衣

坐此樂誠不支緬懷文定公誕降當雍熙後來元黃戰朝局  
常傾敬公也凝道力富貴浮雲馳難進而易退壽考徵期頤

適園手卜築近在城南基茶郵煮苦筍菜軒烹芳葵江梅破  
殘雪月桂香秋颺漉囊俱淨饌戒具攜軍持文定公道園雜著稱園中有茶

郵味軒又有借曉上人坐 名僧共逋客雅尚真吾師自惟鴛  
鴦聞桂香及梅開各詩

鈍質早歲先衰羸服官四十載幸免愆尤滋乞身荷 優  
眷稅駕還東菑出陪千叟宴歸翦三閭茨頗覺心太平無思

亦無為惟聞漢沔外游氛連巫夔中宵不成寐倚杖瞻蠡旗  
況君正陳臬閑適詎可幾假歸暫上冢焚黃展 恩私高帆

起十丈趁此薰風吹滄江雨後漲淨綠如琉璃小姑山色翠  
放溜臨彭蠡是邦本勝地兩次吾所治章贛環其前高閣森

參差人烟逾千萬百貨交街達衙齋亦瀟灑其左臨清池芟  
荷繞廊庀槐柳陰漣漪層樓啓西望遠嶂爭崔巍雲霞既匝

巨烟月還歲蕪公餘偶拄笏足以娛心脾想當駐節後先亟  
清園扉魚鱗埽訟牒肺石窮敲辭苞苴莫可到皎潔除磷緇

疏害戒屬吏謠頌生羣黎述祖且姑待樂志寧嫌遲政成先  
報我以慰遙相思

題門人吳照南 照 石湖課畊圖

牛角何煩更挂書扶犁要值雨晴初碧蓮池上烟波淨偏愛



中吳水竹居

石湖花月倚晴空

范公

曾在栖雲一望中

栖雲關先曾祖丙舍在硯山南直上

方欲買湖田還未得輸君蓑笠伴溪翁

蕭瑟夔巫戰未闌飛芻輓粟餉材官

時楚蜀盜警調江西兵協勦之

此行差

喜水銜冷坐飽衙齋苜蓿槃

君將選校官

吳淞薛澱路非遙老去何人伴寂寥他日東來尋舊約不妨

生計共漁樵

送照南歸南昌

慰我頻年別緒紛衡門雙屐破苔紋卽驚鬢髮將如雪可喜  
談詞尚似雲衰病經時淹著作生涯何計共畊耘曠然相見  
仍分手望斷孤舟趁鴈羣

聞鳳喈詩

五湖烟水久棲遲歲在龍蛇竟不支無復對牀同夜雨何由  
夢草向春池古文案定千秋業雜著編成百卷垂誰識弟兄  
師友似人琴一慟丸原知

循循步履每惜於小別况况又際經年本能支五鹿講堂  
定見下三角制勝誰受勞要兩語道仍猶內以書東望妻江  
才兩舍寒雲積雪渺愁余

春日偶筆二首

藥裏茶牀罷送迎午時微燠正春晴綠陰已向檐端合碧漲  
初從檻下生燕入重簾人更靜鶯嘯小徑夢尤清支頤獨念  
秦中報青犢烽煙尙未平  
曉來觀物儘幽閒天與生涯未覺慳蠶豆將登知嫗喜鳧芷



中吳水竹居

石湖花月倚晴空范公曾在栖雲一望中栖雲閣先曾祖丙舍在硯山南直上

方欲買湖田還未得輸君蓑笠伴溪翁

蕭瑟夔巫戰未闌飛芻輓粟餉材官時楚蜀盜警調江西兵協勦之此行差

喜水銜冷坐飽衙齋苜蓿槃君將選校官

吳淞薛澱路非遙老去何人伴寂寥他日東來尋舊約不妨

生計共漁樵

送照南歸南昌

慰我頻年別緒紛衡門雙屐破苔紋卽驚鬢髮將如雪可喜  
談詞尚似雲衰病經時淹著作生涯何計共畊耘黯然相見  
仍分手望斷孤舟趁鴈羣

聞鳳喈訃

五湖烟水久棲遲歲在龍蛇竟不支無復對牀同夜雨何由  
夢草向春池古文案定千秋業雜著編成百卷垂誰識弟兄  
師友似人琴一慟丸原知

循牆步履每相於小別秋風或又除經座本龍支五鹿講堂  
定見下三魚制則誰受旁要術談道仍縉內景書東望婁江  
才兩舍寒雲積雪渺愁余



吳松薛殿路非遙老去何人伴  
寂寥他日東來尋舊約不妨  
生計共漁樵

送昭南歸南

忽我頻年別緒紛紛  
驚看髮將如雪可  
禱文以人琴一慟  
水思秋

夢草向春出古文  
案安于煇業  
蘇香融丸百卷  
垂藟端策只  
正臨臥水人  
謝數遺  
在韻  
強資不支  
無更  
機杼  
同齊  
雨何由

春融堂集卷二十三

青浦 王昶 德甫

臥游軒集

戊午 庚申

己未

懷吳訓導盤齋

桓

循牆步履每相於小別秋風歲又除  
經座本能支五鹿講堂  
定見下三魚割圓誰受旁要術證道仍繙內景書  
東望婁江才兩舍寒雲積雪渺愁余

春日偶筆二首

藥裏茶牀罷送迎午時微煥正春晴  
綠陰已向檐端合碧漲  
初從檻下生燕入重簾人更靜  
鶯嘯小徑夢尤清  
支頤獨念秦中報青犢烽煙尙未平

曉來觀物儘幽閒天與生涯未覺慳  
蠶豆將登知嫗喜鳧苳



爭握笑童頑菱抽枉渚根微白梅綻空林色漸殷偶過橫橋  
還拄杖不驚紅鯉躍潺湲

沐堂寺僧了性送蘭笋茶

纖芽早出蕙蘭叢不待春雷碾碧空似爲談禪乾舌本焙香  
先與贈衰翁

題沈秀才安成靖琢詩圖

學問由來輔性情不須雕琢費經營杜韓蘇陸蟠曾次定有  
波瀾筆下生

自愧詞場老斲輪祇將餘事作詩人天風海水憑君記肯與  
西江作後塵

明湖精舍識前賢彈指分明四十年最喜文孫能繼武才名  
今已徧江壖安成爲子  
大先生孫

題張墨岑崧山古柏圖蓋昔以壽蔣樹存先生者失  
而復得故紹初屬余賦之

崧高鎮中州風雨盛和會陰陽所滋榮喬林亦爲最維茲巨  
柏雙岩巽閣人代秦漢世已封唐宋久仍在尊嚴肅冠冕植  
立綴纓帶矯如翔蛟螭高乃出塵壒輪囷起恭敬偃蹇謝剪  
拜誰能寫此奇墨岑實超邁當其侍 彤墀落筆走雄快

至尊每咨嗟羣工歎妙繪閒寫千齡材奇姿破蒼靄霜  
皮竦千尋雪幹配兩大持贈繡谷翁用以頌耆艾過眼忽煙  
雲桓廚隱光怪魯弓失復還魏硯守無壞竭來出示我元氣  
溢沆漭空堂六月寒依稀見垂蓋文孫亦黃髮高名播海岱  
寶之等尊彝重之儼珪玠述德有新辭與圖共千載

袁又愷招同曉徵紹初潘榕皋奕雋諸君看牡丹以



是日也天朗氣清惠風和暢分韻得日字

我來游吳閫已度流觴日閒行過漁圃鼠姑正芬苾亭亭傍  
詩障叢叢對書帙名種間姚魏仙姿鬪尹媼主人劇好事張  
筵啟蘭室客亦鴈行至素心契膠漆清談了不窮理詠動逾  
出隨颺落游蜂掠水語飛鳥芳時殿三春勝侶等六逸融怡  
心最歡妍暖景難述明發更銜杯需雲叶貞吉

戈小蓮襄亦約看花邀往

石湖精舍

題任太守曉林

兆炯

虎邱白公祠長卷

青林紺塔相逢迎紅橋碧波交澄泓山塘七里人所羨更羨  
白傅新祠成公由分司復出守皋橋吳苑飛前旌是時海內  
適無事樂天想東游詩有海內時無事江南歲有秋之句旬休設宴紆高情圖經續記樂天  
非旬休不設宴小部笙歌清讌啓長堤風月詩懷清名流盛事若在

眼遺風一絕何人賡平遠堂圮嘉會廢專祠銷歇空檐楹寧  
知寂寥千載後忽得賢守尋前盟公子翩翩起東海巨緇五  
十才縱橫揭來分符向江左卻掃簿領緩農耕賈誼在門愛  
才俊蓋公有術除誼爭金閫亭外偶游衍緬溯前哲心神傾  
思公文采既絕世兼有惠愛傳遺氓劉郎詩句非妄譽十萬  
戶盡啼孩嬰理宜辦香薦蘋藻慰此寒峻心怛怛蔣家園子  
本佳構庸以下築娛精英萬家煙火亘北牖一川桃柳歸南  
榮眉山舊樓在指顧杜老名迹尤分明青蓮東來夜游此想  
像逸氣凌長鯨四賢作屋好鄰並游侶戢戢停簪纓我昨一  
權來吳城偶煩舊雨謂雲移樽罌相逢小住作小飲始識佳  
話光昇平今觀斯圖信綿邈咫尺十里侔關荆酒舫曲通山  
後路茶檣半隱花間坪畫圖一燈秀粉墨歌詠諸老添瓊瑛



兜率天宮詎難下  
騏驎定見來  
瑤京白蓮名花太湖石  
公尙眷戀誇其名  
豈於傳芭會鼓地  
不獲感格通遙誠  
惜我衰遲

更多病無能扶杖登  
崢嶸回憶當年共游賞  
雪泥鴻爪殊堪

驚乾隆辛未壬申間屢從沈文愨公游宴於此迄今幾五十年時園主人蔣子宣文愨門人也多君開閣

許懸榻交官火傘方  
高擎稍待珠斗明  
長庚虎邱鶴澗從經

行香山會約尙可繼白公作九老會年七十四今余年七十五不惜蕉葉澆香醒

時吳中弟子欲約袁子才梁元穎錢曉微趙雲松家禹卿及揚州謝侍郎未堂裕生爲七老會

得稚存書御寄

江湖憔悴念離羣  
忽荷瑤華遠寄聞  
憂國向來知賈誼  
登科

誰復愧劉蕡  
文昌華蓋聲名重  
金筑羅施著述紛  
傳語東來

移鷓首鱸魚雉尾滿溪濱

殘燈

殘燈照壁影幢幢  
翠羽時聞響石砉  
最是夢回清絕處  
兩方

明月入書窗中用頗黎故云

琴德居閒坐

涼風忽起滅恢台  
薄薄微雲送遠雷  
禽語時來池上樹  
蝸涎

新界壁間苔喜同  
野老添譚柄遠幸  
門生送酒材欲學  
君苗

焚筆硯祇將方便乞心開

初秋雨後

清江雨足稻苗肥  
濃綠迢迢到版扉  
吸露秋蟬聲漸咽  
掠波

塞燕話將歸  
凌晨最便攜蓮艇  
亭午猶思理葛衣  
同學少年

多挾策更無人過釣魚磯時值江寧鄉試

七月十八日

風高曲樹罷登臨  
獨閉柴門一徑深  
雨霽池荷猶掩冉  
煙濃



岸柳尙陰森靜看繡鴨時時浴涼把香螺細細斟如許閒情  
誰得似幸將華髮謝朝簪

聽張金冶彈蒼龍嘯月琴

端居苦無豫宿病況未捐曲肱樂偃臥意趣通幽元同心忽  
已至所愛秋光妍坐忘理乃得語寂神斯全攬我壁上琴奏  
此風中弦梅花香淡薄湘水波淪漣珍禽亦不語窈窕餘爐  
煙誰悟希夷旨行將問成連

晚晴

已聞鐘鼓報初晴檐霽猶傳點滴聲新月一鉤花外隱夕陽  
半角竹邊橫山僧近贈釵頭茗爨婢還調玉糝羹信是幽居  
多樂意西南祇恨未休兵

題陳太守桂堂

廷慶

臨得天居士梅花

余向獲文敏畫梅用十幅葢雍正癸卯由福建典試  
歸在杭州西溪對禪人所作常出示石庵偉人蔗林  
三公皆稱爲希世之寶今太守此幀與余所藏似同  
時作者是亦文敏中年妙墨也疎影橫斜水清淺竹  
外一枝斜更好昔賢已得其髓更從何處著語勉成  
二絕以當禪悅

映水畧無色照空疑有神祇應霜月底跌坐契清真  
澹墨了無痕幽香如可掇想是小參餘亦對西溪雪

虎邱卽席送阮少宗伯伯元還朝

西泠使節返蓬萊卻過名山更舉杯燕樹吳雲愁遠別玉衡  
冰鑑俟重來文章翰墨千秋業賓從江湖一代才只是老夫  
蕉萃甚臨風目斷畫帆開



望亭

秦望山邊是望亭湖天雲霧晚冥冥故人猶憶前宵別長路  
欣看暮雨停遠挂商帆斜似扇纔明漁火小於星莫嫌垂老  
無佳興頗愛微吟伴析鈴

再過橫舟亭

西風衰柳映空祠又是扁舟晚泊時曾說幽情懷楚橘更無  
行客薦湘離歸來南海誰為伴生向西方是不疑彈指華嚴  
樓閣見何須重望小峨眉

丹陽

堤高不見樹間村香稻初登萬頃屯欲滄碧螺洞庭山無處  
茶名無處  
汲秋潮新漲滿溪渾

寶華山

江山接秣陵嵐樹對句曲緬維蕭梁時寶誌此託足後興南  
山教梵網戒淫瀆派本阿律陀毘尼皎冰玉雪浪計重興紅  
牆繚林麓禮公來滇黔戒壇更高築止持與作持羯磨緇流  
復感動始宮闈皈依暨邦牧法藏絢珠林香鬢護松竹登階  
歎莊嚴鳴鼓震塗毒鈴鐸八窗開楓楮千嶂肅白雲與黃葉  
兩亭名飄渺在遐矚香積出伊蒲飯罷西齋宿

棲霞

曼曼循輿破曉煙松枝藥草故依然總持有恨來歸日靳尙  
何能解上天輦路三春懷獻賦予于丁丑召蕭齋四壁  
試候旨至此

求七祖禪

翫題箋壁有姬傳雲  
松詩禹卿書南能弟子曾相識住持悟徹為  
照圓弟子為話門

幽居庵



繖山山最幽幽居幽更勝修廊近中峯欄檻斜而正竹間石  
笋排松下雲根迸不聞么鳥鳴少覺流泉應想見錦衣人于  
此學禪定

天開巖

蒼厓出秋雲如幃復如扇峭立逾千尋通中透一線猿鳥已  
絕迹獨有飛流濺誰摹岫嶠碑茫昧亦難辨依稀六朝書波  
磔露巖畔

珍珠泉

山泉無定流遇竇輒傾注如將一掬珠散作千林雨條條灑  
塵襟灑灑洗俗慮未肯遽出山窪蹲自朝暮宜有桑苧翁試  
茶此間住

紫閣峯

白閣與紫閣標奇著終南茲峯更幻麗紅葉殷楓楠緬想明  
居士簪冠謝朝簪層嵐巨疊翠遠水平浮藍行當畱十日小  
住依茅庵

晴村將軍招飲並出示述懷之作次韻

虎帳熊旌是壯游 國恩世德兩俱酬勛勞昔已高 中禁  
詩什今看在上頭清晏江山資靜鎮登臨風月暢清秋自慚  
衰謝還垂念同倒山房藥玉舟

晴村署中玉蘭開後忽生紅果益上瑞也詩以紀之

朱果徵祥兆最嘉餘榮猶逮世臣家春華畢竟兼秋實合作

西天稱意花

見大藏一覽集  
花實俱紅色

素蘂繽紛展惠風雕瓊鏤粉孰能同如今直作辛夷色網戶  
枝枝映日紅



花後勺圓顆顆垂輕紅淺絳繼芳蕤謝庭已發三珠樹又見  
珊瑚碧海枝

留別曾賓谷及諸君

拚擋詩筒與酒筒使君佳唱滿淮東竹西歌吹由來盛流水  
高山意未窮

仙館筵開椽燭斜擘牋舐墨並風華隔江可惜無人和孤負

南朝玉樹花

並寄許秋巖  
太守于江寧

揚州煙月古今稱儒雅風流得未曾團扇弓衣傳唱遍從教  
寫盡剡溪藤

承家文定聲華舊守郡歐陽樂事傳置酒飛花當有兆不須  
更比玉山筵

追題汪蛟門先生少壯三好圖長卷

上方下方各有情

漢書翼  
奉傳

六鑿相引殊其形少壯寫此陳丹

青圖內縹緗互繚繞百榼千樽足傾倒更有雲鬢如月皦豈  
其惑溺有託逃顧曲頌酒精神超兼與簡冊娛昕朝想見承

明晚退食遠擬蘭陵聊自適任人聚訟各以臆我已橫陳嚼  
蠟如一瓊竟醉同淳于尙欲誰誦窮黃虞竹西亭邊開此卷

前輩風流知未遠安得相從游藝苑

高旻寺示巨超慧超二上人

三年瓜步數經過把袂重看萃堵波無著天親形影並寒山  
拾得笑言和榻來猶喜鐘魚靜老去深愁翰墨多欲覓閒房

供索句松龕紅日未蹉跎

竹西諸相好求詩者甚衆怒  
卒不及寫乃借僧房書之

舟過蘭陵錢明府竹初維喬招集諸君夜飲感賦

西蠡湖頭小泊船題襟促席共流連正當燈火傳三雅恰集



簪裾是七賢

趙員外繩男觀察翼劉編修種之存之往事分洪編修亮吉蔣通判騏昌主人及余也

明成噩夢抽身且喜各歸田只愁皓首重經過華屋山邱最

惘然

憶先師文敏公

初六日夜

又覺夜寒侵因知病更深孤燈懸澹影疎磬颺餘音出世無  
生法觀空不住心擁衾方假寐窗外響霜禽

十六日石上舍遠梅釣邀同探諸山梅花至石壁而

返共得詩五首

頻年上峴山鄧尉獨未到梅花如有知應與東風笑春信隔  
歲來晴和已先曜吾友澹蕩人移書久相召江城百里餘微  
波送征棹遙指費家潭薄暮共清眺

春林鳥亂啼春山已及曙遂由思翁祠並瞻憺園墓

道旁經過董文

敏徐健庵兩公墓

微聞幽馨來早覺蓓蕾吐停輿上還元雲濤渺平

楚閣前一樹花香入爐煙炷瞻仰兩詩翁翛然發清慮

洋綿津兩公像

斜照尙未沈明蟾已微見移楫向山橋風香冷然善兩崦分

東西春波漾花片偶斟玉雪酒名清稍解餘寒戀碧嶂圓如螺

白沙浮似練無事更登臨澄懷足婉戀

小睡夢漸醒孤篷覺微響蕭蕭待殘更六花浩村壤清游愛  
衝寒喜共籃輿上穿林廿里餘澗北入方丈非霧亦非煙香  
巖絕心想惟應住童真于茲獲供養

再緣西磧山透池屈石壁蒼茫雲萬頃青峭嶂千尺漁洋暨  
法華煙巒近肘腋僧寮半傾欹僅有清公迹香積亦荒涼何  
由住昕夕信宿憶當年月窗詠秋碧



守風金山下時取急北行

斷渡風猶勁參差客舫停塔鈴寒自語粥鼓遠難聽雪浪煙  
中白雲山雨後青妙高臺上景危坐憶曾經

臺莊

弭櫂徐方近驅車魯道長風沙兼感發淮海入微茫浮磬思  
靈壁孤桐詠嶧陽昔賢珥筆地雪涕那能忘

東平道中大雪

巖飈急霰撲征鞍濕透麻衣晚未乾洵是普天同慘澹欲教  
大地盡沈瀾龍髯已遠悲腸斷馬耳全埋掩淚看賴

有同心相慰藉滿鑪櫛櫛暫盤桓與鄒閣學曉屏炳泰同行

雪夜

冰滑嘶疲馬風狂落凍鴉畧看山一角已沒路三叉土銼煨

松火茅簷繫雪車彤雲騰縞素淒切聽悲笳

德州

野邏長河北郵亭小市東飢鳥猶啄雪劣馬獨嘶風遠嶂層  
層白初暘漸漸紅排籤僵十指滑澀歎泥融

題盧溝折柳圖送伊太守墨卿秉綬任惠州四絕句

郵亭戍候儘蒼茫更送伊人水一方嗟我暫來君又去不須  
讀書已淒涼

詩卷書籤滿畫輪生平本不厭清貧此邦宜著文章守麥  
棠陰待撫循

曾過方輿萬里程五羊偏隔嶺雲橫予獨未至粵老來欲覓丹

顛夢逐熊幡海上行

潢池類歲警西川稍喜氛禔息海壖解得道州危苦句不妨



竟酌石門泉

謁阿文成公墓

禁城東望鬱嵯峩

賜葬崇封氣象多星日交輝森異

屬風雲常起護坡陀祁連景色何須仿耶律勳名定不磨光紫

閣像

御題云楚材既出為國之楨故梁文定公書耶律文正王傳以贈公文正墓今在西苑玉泉山下悵望

九原誰可作即看堂斧邈山河

雪嶺天山控大荒掃除餘孽鎮巖疆先開城堡供陶冶再引

河流藝稻梁蒙古東來環北極築伊犁城北通塔爾巴哈臺又東北通烏里雅蘇臺合蒙

古內外四十九旗達于張家口俄大秦南去盡西洋自伊犁而回

羅斯震懼而北路之屏藩永固纏頭務面盈千萬重譯飛車達建章

溫都斯垣直至西洋萬山崩劣護天全魚通土司大小金川地舊為天全六番招討所屬蟻聚蜂屯四十

年坐甲于軍柔伏莽先庚兩次破重堅雙圓孔翠花翎貴五

色盤龍彩服鮮麟閣雲臺俱首列桓圭一等有誰先

身兼將相尚非難功業巍巍德業完下士情能忘貴賤愛民

心總卹饑寒敦詩說禮家風舊緩帶輕裘意度寬不獨千秋

知已淚山頽木壞共悽酸

京城德勝橋西有明李文正公東陽宅開文祭酒訪

得其處去年戊午六月初九因公生日邀同人祀之

竝作長卷今予來都索詩以繼其後

淨業寺北積水區柔藍一鑑浮鷗鳧相傳自昔西涯居歷年

五百埋荒蕪春深漠漠生葭蘆振衣誰復尋遺墟祭酒先生

列仙儒生平嗜古資畋漁著作盡得前賢模茶陵名望尤所

娛知公卜宅瀕澄湖搜奇剔異窮林筮果得往蹟鄰經涂是

時長羸月值且文正生日尚未逾為公祝壽陳盤盂中懸遺



像清而腴飛召京雒賢豪徒雍容車騎齊簪裾一十六人拜  
 且趨辦香致敬心誠輸維公生值景泰初神童召試登亨衢  
 遂占揆席持機樞高文典冊傳方輿空同大復爭夸譽恨值  
 關寺雄封狐鐵牌不守還睢盱洛陽劉文餘姚謝文正遷借歸與  
 誰為切諫陳唐虞酒闌餞別情欷歔獨將一木堵凶渠衆正  
 賴以安須臾有功世道焉可誣景仰宜與旋杓俱況有真蹟  
 森寶書寸縑可敵千碑礫諸君誦法良非諛何翅坎鼓調笙  
 竽祭畢綠蔭平堦除香生萬柄紅芙蓉數聲遮了鳴高梧澄  
 心堂琴音調殊一彈再鼓松風徐題衿連襪相歌呼銀槎碧  
 筩交紛如更有畫史參倪吳落墨掩冉垂楊疎雅集上擬西  
 園圖以上俱見謝薌泉侍御記中此樂義等雲天需惜我未預櫻筍廚如  
 口流沫思梅諸吟詩讀畫情稍舒槐花此際飄檐閣距公攬

揆一月餘今因放權還姑胥相從未得同驅驢勝踐不到何  
 其愚還君詩畫長嗟吁歸奉懷麓伴璿璣

題謝侍御薌泉振定雲將小草二絕

臥病空回訪戴船吳淞無計共沿緣懸知裊屐逢迎處擘盡

膠東五色牋君去歲來訪適以臥病未見

龍蛇夢斷感游秦藝苑欣看有替人聞說淹中遺稿在莫教

零落委凝塵君為程魚門高弟所撰經說收藏無恙故及之

題鄒閣學曉屏午風堂集

當代文章客誰堪第一籌午風詩數卷標格足千秋書畫供

陶寫雲山入唱酬漁洋仙去遠髣髴見風流

送尹給諫楚珍壯圖歸雲南楚珍前奏各省倉庫多虧奉旨令同侍衛

慶成往近省監查是時各督撫聞信挪移掩飾致以陳奏不實罷官今上備知其故合馳驛來京待



用而君以母年逾八旬難於迎養  
給事中銜仍令回籍侍母人皆稱為異數 上三

擁傳來仍擁傳歸行成忠孝世間稀已看直節標青史更乞承歡奉彩衣捧檄毛生宮未達上書賈傳願終違如君獨荷

君恩重回首征途望紫微

曹侍御定軒 錫齡 招同紀宗伯曉嵐小集

霓裳詠罷大羅天燕羽差池四十年松鶴精神嘉未老尊鱸歸隱病難痊晨星屈指無多在舊雨關情喜後賢 謂定軒 幸得春明同把盞莫辭坐到燭花偏

題金青儕雪意圖冊時青儕悼亾

斷橋流水暮烟空作意荒寒望不窮卻憶湘簾明鏡畔低鬟曾詠絮因風

蹟面誰來傍畫欄小窗疎影倍清寒湘中草與秦齋怨今古

才人一例看

金師眷屬是前因好證聞箏累切身拈得空花還放下不妨如夢更如塵

空牀長簾起寒霏不共香車緩緩歸他日薊門三尺雪祇應時夢舊鴛機 用義山句

將出京師何侍御蘭士 道生 法開文洪稚存趙億生

王孝廉惕甫 世孫 錢於西花園

襖被經春住禁城將歸話別此班荆雪泥鴻爪畱殘夢酒座詩場續舊盟老我已無重見日多君尚締久要情 國恩友誼俱難遣摻袂傍徨淚欲傾

又別開文

宮牆 禁籞路縈紆問字門停載酒車久識高名尊館閣誰



知垂意到樵漁半窗翠影千竿竹滿榻芸香萬卷書此後江湖回首望文昌華蓋近 宸居

天津小泊

折木南來第一程柳梢風急水紋生黑雲忽合如山斷中有

殘陽照眼明

楊村過又柳青青未至天津十里為楊村畫舫如家此暫停

閒看溪農歸去晚獨擔漁具度沙汀

金鄉道中

穀雨初晴日更曛良苗芳草總如薰枕牙猶響泉林水榭尾

還披泰岱雲犁罷烏犍閒帶犢巢成紫燕又攜羣琉璃窗小

無塵到麝墨雙丸試斷紋現名

舟中偶作三首

長隄芳草綠芊芊學道曾聞肄管絃過武城回憶琳琅三十幅

故人落筆化雲烟元和莊孝廉誠立先在京師善隸書予所藏漢魏晉唐石刻皆其題簽曾令武城故

憶

小湄湖畔水雲凝顛顚微官尚不勝誰緝遺詩還比似長江

主簿武功丞武進莊然一寶書前為聊城縣丞

紫雲山水如羅武氏祠堂石刻多六十二人圖畫古何由

著手細摩挲

塗中寄翁振三

本是先朝侍從臣 上陵猶奉屬車塵

衣冠月出聲靈在 弓劍秋藏灑掃頻 講幄憶

攜香滿袂 鼎湖近望淚沾巾自憐一舸今歸去遙企

橋山更愴神



珠湖夜泊白蓮盛開

六六珠湖永涼宵  
傍客船露香催夢醒  
花葉半雲烟雪羽飛  
難見冰輪澹欲圓  
臨波何處去遙憶水中仙

本景 泊舟京口有懷巨超慧超二上人并寄家柳村

斷岸平沙晚退潮  
鶴林山外此停橈  
雲中竹樹懷三詔  
天際

帆檣見六朝  
開士吟情留梵唄  
幽人高趣伴漁樵

愛趁西風便選勝  
何時得共邀

主 嶺外忽傳詩廿卷  
長吟快似蟬搔把

冰挂撐腸腹海雨  
江風入齒牙  
想見襟懷清似月  
故應詞藻

爛如花老夫墓木垂  
垂拱萬里何由訪子嗟

哭門人魯孝廉習之

清和送我出京畿  
誰料旋聞薤露晞  
甲第未登名未立  
衰親

誰望子誰依  
文人有命終難解

苦憶臨岐堅後約  
欲乘秋水問漁磯

少年高蹈擅詞場  
文字家傳一瓣香  
擊楫未能攜郭泰  
傳芭

竟至下巫陽  
貧憐苦志承先業  
死痛羈魂隔故鄉  
報與鄧吳

廿載簪毫侍  
紫宸蓬池詩卷最清新  
如何忽憶中吳路  
蘋

葉蘋花上畫輪

已將彩筆付諸郎  
科第連翩上玉堂  
誰信高情真絕俗  
扁舟

要占水雲鄉

陶峴三舟也足豪  
玉簫金管儘由敖  
竭來意興耽幽寂  
四面

春融堂集卷二十三

左



雲山水一篙

燕關纔過又吳關企脚支願一權還我有柳波雲舫在期君

蓑笠侶漁蠻

除夕

新春未到歲將回促坐明燈笑舉杯遶膝欣看珠樹合時嚴氏諸

外孫侍側挽鬚不覺玉山頽紙窗寒重將飛雪瓦缶香傳已放梅

仍屬朝衣熏侍史青陽曉色俟徐開每遇黎明望闕行禮

早春

朔風初定雪初晴遙見春暉上檻明三尺遊魚冰下見一行

歸鴈柳梢橫香爐茶銚隨宜置茸帽筇枝稱意行已是上元

燈節過市樓猶聽夜吹笙

聞稚存譴伊犁

胸中五嶽本難消醉後狂言荷

聖朝東坡句對簿已蒙

寬一死投荒何恨竄三苗老泉諫術終須讀湘浦羈魂不

待招取次金鷄竿下信陽關風雪返征輶

敷文書院示諸同學

彈指前遊四十年中唐古桂更參天詞林往事今誰記謂楊編修

文宗伯遺書幸已鐫謂齊次風宗伯著有水道舊學已忘慚

老耄斯文將付待英賢鑿楹況有宸章在講罷常瞻

日月懸

過花神廟

雲作衣裳月作鈿蕙幃春暖更清妍如何瑤島如花女卻伴

僮奴五十年乾隆庚子南巡上幸花神廟

召對大學士稽公詢以花王何處俗乃爾公對曰此李衛像也衛總督浙閩時塑其像于花神中東樓二女其所最寵者上又問曰旁坐者何人公對曰此季麻



子也善說稗官野史衛善之故使侍側餘著蠻靴衣短後衣皆備僕也上日衛本賈人何敢狂悖因降旨命署布政使德克精布毀其像投諸湖而重塑花神祀之余同稽公隨 蹕親觀其事國史亦載此 旨於衛傳中

重題絕妙詞  
題舒雲亭瞻 蘭藻堂集後

吟殘蘭藻一編詩竟體芬芳絕妙姿拈出江南腸斷句不妨

喚作女郎詞

淡粉輕烟字字嘉獨攜琴鶴返京華誰能移取燕山桂來作揚州玉樹花

剪燭微吟喚奈何無情有恨不須多當時若過紅梨館定倩

雙鬟畫壁歌夢午堂先生有紅梨館詩少年作也惜其未識雲亭

雷雨

雷雨中宵動滿盈朝來嫩日又新晴尋香小蝶穿簾入選樹

幽禽繞舍鳴巷口稍淹沽酒路橋頭徐度賣花聲春衫不覺

春寒峭獨向筠廊拄杖行

題溫忠烈公瑣 像并家書墨蹟卷

新都城上旄頭落雲黑如山烽火作司李絲來本散官不惜

微軀試鋒鏑滄桑大變一身瘡氣挾風雷動山嶽老翁六十

鬢已絲甫膺一命丁顛危腰間利刃光若水與我一映無稽

遲挑燈作字貽親串想見軒昂雜悲惋妻孥從死子為僧淚

痕墨瀋交零亂處分了了語和平兩通箋疏生光晶卷前遺

像更孤峭浩氣隱隱浮眉稜褒忠奕世霑榮遇錫諡專祠誇

異數不見當時首輔尊冰山已倒終非據忠烈為體仁之可弟見作此詩語

知自立足千秋此圖此畫應長留植節固應歸母教表彰還



復藉孫謀

周同年松霽春自榜下分攜不相聞者忽經四紀今

在武林以四詩見贈纏綿往復情溢於詞作此答之

宦海抽身早家山樂志便追思少壯日同上大羅天白社尊

人瑞丹砂養地仙相思蒙記憶珍重惠長牋

聞說鳴琴地循良見古風懸鞭閒吏卒驂祿走兒童彭澤歸

真早桐鄉澤未窮清和今始屈杖履更冲融

自顧成衰拙功名白髮餘烽烟頻自警竹帛豈堪書桃李門

牆盛丹鉛館閣儲如通鑑輯覽一統志金恩榮皆

帝力況又

賜懸車

已嘆豐其蔀時患目疾非徒養似霜謬推孤竹馬虛奉束脩羊舊

雨凋零甚停雲佇望長何時來片席攜手快升堂

西湖餞送張子白赴鎮番縣任

短後曼胡意氣適鳴沙驛路指瓜州山經華岳臨關出地控

黃河繞塞流鄉夢應懸三泖樹烟波兼憶五湖舟子白贅南

涼西夏英雄跡收拾詩囊是壯游

西湖首夏晝初長別酒淋漓累十觴尚說氛祲纏隴蜀喜無

烽火近河湟番回徧野風猶古稞麥連雲歲屢康料得祿驂

迎候遠循聲已頌馬如羊見張真傳

得吳庶常山尊蘇書知乞假將至武林詩以迎之即

用其和蘇文忠公岐亭詩韻

細雨動淹旬天意釀柳汁豈知多病身枯坐等束濕何來雙

鯉魚錦字懷中得將紆久別愁豈免開函急果然獲新詩濃

熏對銀鴨端如贈金鑰老眼刮蒙翳殷勤放生篇深痛刀砧



赤此意本等慈此業真純白徘徊再三誦起舞倒巾幘方今  
西南隅烽火萬家泣仁心啓祥和何致鍊斯缺呼埽講德齋  
煮茗待嘉客共和岐亭詩以助往生集

聞繹堂司空奉使川陝軍營有寄

運籌帷幄藉論思又奉軍符絕塞馳襄鄂勛猷  
韋平聲望四方知雲開井絡宵傳箭雨洗河潼曉濟師先按  
西南諸牧守奸民何事弄潢池

汾陽部曲已無多謂文成公舊部感憤誰能共枕戈幕下參軍資阮

瑀方學士維甸行間宿將仗廉頗謂明君亮三千勁旅如雲擁百二重

關躡電過軍令分明新壁壘佇看獻捷走明駝

西湖第一樓為阮中丞伯元賦

高對湖山敞綺櫳德星光聚接遙空掄才欲樹千秋業釋詁

先徵六藝功樓後為詒經精舍中丞集兩浙經生于此自媿識途輸老驥還期樸

學謝雕蟲懸知名擅無雙譽要與陳登百尺同

予以乾隆辛酉年補博士弟子迄今六十年矣錢學

使撫棠趙太守鑑堂宜喜循例請重游泮宮有作

輿騎喧呼雜管弦重來釋菜久華顛本無勲績叨嘉

獎前曾奉旨著有勞績薄有詩文待續編佳話多承當事意異時

定作舊聞傳回思同伴何人在振翮雲霄俟後賢

附作

童年鼓篋等前塵綺席重開四座春髣髴幔亭明月夜雲

璈瑤瑟會鄉人

昔曾游處暫衰哀傑閣臨風面面開遙望頰宮宮畔水分

明前度認蓬萊



蓋代才名擅鳳池雞林爭誦白公詩鄉人偏憶垂髫日早

擷瑤華第一枝先生第一名入學

四國旬宣徧頌聲中朝人說舊清卿多緣自任由來重廊

廟江湖萬古情

坐擁圖書擬百城依然逢掖老諸生那知鐵壁金沙外羽

扇曾揮十萬兵

凌雲才筆擬相如著作頻聞典石渠此日覺宮留蠹簡頌

來已是廿年餘先生嘗奉召試詩賦備載南巡盛典久

已頒發學宮

鈞天樂奏九如歌國老承恩雨露多攜得尚方靈壽杖

耆年場裏更婆娑嘉慶元年召與千叟賜

林下逍遙近十年鑑湖一曲主恩偏若教從此登雲

路及第還居梁灝先

京雒浮塵十丈紅斷葦仍守舊家風銅山金穴須臾事卻

羨蕭疎一畝宮先生書聯語嘗引用范文正公畫折斷葦專

衡才自昔重昌辰閱歷名場六十春閒把文章溯流派

仙源一棹指迷津

遙峯環抱水縈紆二百餘年毓秀區為問看花上苑客

幾人曾到舊元都

巋然人望魯靈光頰水今歌第二章正似寒梅留老幹一

枝瓊萼領羣芳

南皮游讌舊時同此日文壇望竝崇兩地膠庠添盛事流

傳佳話徧江東聞嘉定錢竹汀宮常向丹青認故吾雪泥鴻爪未模餽何當更倩僧絲筆旂



影鸞聲畫入圖

先生自少壯以來閱歷之境皆曾繪圖名雪鴻紀蹟

桂苑花開接杏園仙都寧復羨桃源從今次第重游徧屈

指春風十四番

計將來重宴瓊林亦祇一紀有餘

大椿知歷幾千秋嘯傲湖山等十洲應為早年絃誦地一

逢周甲一來游

西京開儒術賈董始宏敞中壘乃繼之

侍御自題有劉向揚雄之句

祿閣太乙降藜杖豈惟稱俊乂實乃著忠讜列女規宮壺洪

範測儀象肯以貞亮資而為尋尺枉子雲起江灌羣倫共瞻

仰訓纂既精研法言亦摹仿仕宦稍不達低頭事新莽坐視

炎精消投閣免羅網乃知藝林中志節判霄壤侍御冠惠文

生平表高伉中歲厭緇塵湖山愛清朗蕭蕭柳數株軒窗寄

幽賞鐵鑊不嫌斷敝帚甘自享經史盡貫穿撰錄編浩穰

所著有家語疏證風俗通逸文及文選李注補正各書

庭人克副傳經想令子同元我今發其疑九原定撫掌題

詞付後賢百世弄書幌

頂金門陳花南招集述古堂卽事四首堂一名小方壺

消夏何方好來登述古堂藤蘿陰自密松檜遠成行翡翠時

時下芙蓉冉冉香真同河朔飲解帶試微涼

勝地今猶昔前遊景漸湮柏堂餘灌木竹閣少浮筠境與方

壺似人瞻御墨新山公謂素多雅興躡屐遍嶙峋

倚檻香羅薄堆盤雪藕鮮簪裾皆灑落几席竝清妍語雜傳

燈錄潘侍御蘭詩誇泊宅編郭秀才祥伯磨老成還有在客

余君大觀休自笑華顛時予年

年八十



已罷藏鈎戲行將倚杖回樓臺銜夕照雲樹隱殘雷勝日殊  
堪惜清游約再來他年追雅集指點畫圖開時花南以圖紀之

東風大作聞海中賊船損壞俘獲甚多喜而有紀

閩浙游氛閱歲年天風助順埽鯢淵伏波不俟來新息籌海  
還當考舊編見說盧循藏島嶼何煩楊僕進樓船東南萬里  
沙邊戍共喜平安火夜傳

聞吳侍講泉之時有參劾作

為湖南學政

覲顏尚冀履花封快聽風雷下九重豺虎有知原不食鷹

鷄必逐自難容旁觀尚欲舒公憤當事能無愧曲從謂平寬夫學使

天道恢恢原不漏昌言真足警羣兇

臥遊軒晚坐

考槃深處足盤桓身世從容俯仰寬齒蒼香銷涼已透珊瑚

花結露初溥送來陳釀初開瓮煮得鮮菱恰滿盤報道中秋

佳節近半規明月隱檐端

張平定題吳漁山畫冊

歷也磊落嶽寄人時丁陽九稱逋臣寓居尚湖及婁水白鷗

浩蕩誰能馴高情餘事託繪素自寫意氣超凡塵思攜孤琴

適汗漫或絳巨牯搖崑崙廣輪輿地苦迫狹往蹈西海窮涯

津烏飛兔走任吞吐鯨吐鼇擲開齋齋耶穌居士演化處拂

衣不惜窺祇神璇樞忽見星火異絕域頓覺雲霞新歸來屏

跡繁薄羸思借墨海摹乾坤狂搜險覓眾所怪落紙仍復清

而純試諦是冊二十四幅幅規萬由先民倪雲黃大吳仲王

明矩獲合荆關董巨神明存川原林麓盡變態江湖村落抒

天真當年授受出烟客上摹唐宋中金元乃知絕藝在法古



小仙別派徒紛紜千緡重寶我不易要懸梁棟貽諸孫

歸田何敢擬淵明欲徵香山亦未成范

興來覓句遶廊行時訪錢曉大異餘想融覺雲霞

蕉衫桐帽峭寒生鼓櫂東為訪戴行積雨新晴雲澹澹晚潮

未退水盈盈故人已作經年別勝侶偏深宿草情兼懷一枕

華胥殘月在麗譙已近練邗城自真意

壯年筮仕樂春臺鶴髮如今尚未衰家在八公山下佳身從

千叟宴中來安仁舊治花猶在元亮新歸菊漸開遙憶故

園秋色近西風早送片帆回

齒髮相看幸未衰茫茫舊事總堪哀騎鯨豈意歸霄漢謂畢

帆佩犢何時息草萊時川陝寒露將零梧已落仲秋久過桂

方開老夫寂處渾無那正待深談數舉杯

題蔣秀才葆存炳蔣邨草堂第一圖

聞說西溪路沿洄到蔣邨人烟同角里風物似麻源茶筍供

朝夕漁樵長子孫杜陵傳業久閭左頌清門

花藥開三徑縹緗擁百城有泉穿竹石無客叩柴荆自適閒

中趣彌添物外情幾時香雪裏邀我共經行

九月二十八日馮寶庵孫淵如招游西溪老病畏寒

不能如約為賦四章以當晤語

立冬未一旬霜颯率已厲蕭蕭竹打窗槭槭葉走砌殘年畏

寒

寒

寒

寒

寒



春隱堂集卷二十三  
早寒欲整門先閉差憐破帽溫頗藉茸裘曳正如曷旦禽瑟  
縮了無計臥聞折簡人楚然破清睡言將游西溪明日鼓蘭  
柁諸君信雅懷一往挾幽邃此境我所思廿載付夢寐所嗟  
老病身何由共聯袂

側聞秋雪廬乃在西溪湄蘆花一千頃杳渺迎清漪源從澹  
竹來南湖復漚之遠多紅樹映近有青篁鼓漁樵路亦絕僧  
屋圍疎籬諸君躡雙屐衝寒劃筇枝行琢冰雪句媿彼郊島  
詩

西溪數竹窗文恪有遺宅後歸清河氏幻翁此寄蹟秋看榭  
葉紅春探梅華白往來二十年蕭然洵幽客翁去地嶺更古  
梅亦崩坼茶竹尚清妍蒹葭逾蕭瑟茲行想清寒延佇意何  
極稍待春風暄孤游弄泉石

昔賢慕樊榭苦愛西溪游每從竹西返嘯侶攜扁舟至今遺  
集中逸句如鳧鷖海山嗟已逝尚幸存松楸月上亦耐瘞埋  
香竝千秋王塢路非遠短碣藿荒邱諸君儻過訪爲我澆新  
芻定如鮑家墳清唱能相酬

遙賀吳冲之得子

快傳異事動親鄰七十三翁竟得麟已聽嘯聲知俊偉卻看  
骨格果嶙峋來書云重至七斤未占後日金閨籍先喜當前玉樹春  
歸去定叨湯餅會繡包細玩掌中珍

題沈太守莘田

清任爲南明畫冊

此身未死病纏綿卻展鵝溪一泣然誤喜對牀尋舊約用東坡句  
不知花萼久成仙

澹園筆墨劇瓏玲老屋橫溪接翠屏寄語封胡常祕玩莫教



蝨粉近丹青

漪園雨飲次實庵韻

殘秋置酒對平川澹靄輕雲細雨連遊客待浮彭蠡月

沈主事帶

湖叔璉將往江西

幽人曾溯洞庭烟

宋茗香談太湖石壁之勝

霜清紅樹樵風外

水漲青蘋釣渚前最愛豪情工搏戰薄寒須藉倒觥船

答程明經葵齋兼懷董孝廉

昭

廿年音問渺雙魚忽見瑤華足慰予漢瓦秦權供講席明星

玉女照精廬

時主臨潼書院在華山之下

虎皮仍闡前賢學豹略空陳大

吏書

時賊掠川陝君上書陳攻戰策甚悉

卻喜漢陰遺一老子孫咩鑿其樵漁

孝廉居興安賊過其境不入

秦廉使小峴移任長沙招飲湖樓話別

使節初從薊北旋

聖書又見報鸞遷重將騷雅移三楚留

得聲名繼四賢

湖上有四賢祠謂李鄭侯白樂天林君復蘇子瞻

沅芷澧蘭新著作

柏堂竹閣舊因緣雪中休折湖堤柳欲倩長條繫錦鞵

西清視草記前遊淮海詩篇互唱酬笑我歸依三徑老多君

兼領五湖秋

小峴先為杭嘉湖道地鄰震澤中包五湖而湖南洞庭亦有五湖之名

一船行李

餘琴鶴兩地聲華映斗牛畢竟名區資雅望重來定見協歌

謳

示周泉南

柳濱

秦火厄六經經義墮渺茫去古日以遠文獻漸遺亡先儒事

箋釋立說多參商擇焉而未精語焉而未詳我

朝惠定戴

原起考核神明強注傳補闕略絕業予以昌我賢解經義勤

勉殊莫當秘鑰抽靈源儼樹精進幢聰明勿自喜歧路生徬

徨



才學識三長備具乃作史我謂讀史者所貴亦復爾孟堅學  
輸才未善中興紀不識天撐犁淺學殊可鄙天道本人情民  
義卽物理博取而約觀端爲法戒起治亂興衰間明鑑徹終  
始君子本諸身治人先治己少賤視所爲名節在用耻  
丈夫志千秋立德致足尙其次務立言經術備醞釀春容步  
前修文壇善决盪幹材末學流勦說渺貴當虛浮背實用眎  
古多所讓眷言吾黨中唯汝號貞諒砭俗復樂羣温恭具雅  
量發而爲文辭服膺宗哲匠韓蘇與出入鮑謝相頡頏會當  
保令名遠樹柳東望

十一月廿二日爲予七十七歲生辰舟過鴛湖偶賦

七十年來又七齡鴛湖雪後駐吳船畏寒不復尋今雨時朱  
休度鮑秀才以文朱秀才映瀟李秀才投老誰知問歲星玉  
香子富孫皆在嘉興志局未能訪也

版味新多且旨金華釀熟醉難醒淨慈寺僧主雲及同好多  
餽冬筍而瑞惠餉酒尤佳  
自惟後樂心猶在喜聽笳簫出遠汀是日岸上居民以年  
豐賽神歌吹甚盛

歐游軒集  
題姚上舍春水齋雲集

峯泐英靈又漸淪少年驚見筆如神丹山鳳鳥誰堪匹碧海  
鯨魚自絕倫他日中流當砥柱此時大雅合扶輪文章名節  
無窮事更待挑燈仔細論

許駕部周生築上舍曜北玉繩邀飲湖上許莊

柔波如簟草如茵山鳥山花正暮春月榭風亭邀俊侶籃輿  
筇杖趁閒身分曹談藝神明王促坐藏闔笑語親屈指清和  
應更好再移畫舫傍湖濱

和潘榕臯綠晦山房四首



才學論三長備具乃作史我謂讀史者所貴亦復爾蓋堅  
翰才未善中興紀不識天博解涉學殊可鄙天道本人情民  
義則物理博取而約觀端為法戒起治備異哀開明鑑徹終  
始君子本諸身治人先治己少照視所為名節在用取  
其大志千秋立德致足尚其次務立言經術備醜醜春容若  
前修文壇善决盪輟材未學流勳說世貴當虛浮背實用所  
古多所讓着言吾黨中唯汝號曰詩硬俗復樂羣濕恭具雅  
量發而為文骨那附守哲臣韓蘇與出入飽謝相讀相會當  
保今名遠播

自對對樂心會玉喜懸流翰出教下豐養帆過其基盤  
吳日半上吳况以洋  
刈刺穠冬且日金華麴煥翰鑠顯顯冬許而辭典論許式對  
對慈寺僧主書文同我多

春融堂集卷二十四

青浦 王昶 德甫

臥游軒集 辛酉 王戊

題姚上舍春木 椿 望雲集

峯泖英靈又漸淪少年驚見筆如神丹山鳳鳥誰堪匹碧海  
鯨魚自絕倫他日中流當砥柱此時大雅合扶輪文章名節  
無窮事更待挑鐙仔細論

許駕部周生梁上舍曜北 玉繩 邀飲湖上許莊

柔波如簟草如茵山鳥山花正暮春月榭風亭邀俊侶籃輿  
筇杖趁閒身分曹談藝神明王促坐藏闔笑語親屈指清和  
應更好再移畫舫傍湖濶

和潘榕臯綠晦山房四首



雅志投簪早溪山有夙緣碧雲當戶牖綠晦富林泉不藉田  
三頃聊營屋數椽良辰來往貫時棹木蘭船

書法能兼兩

君工楷隸

詩才更少雙校書青鏤管奉使碧油幢

君

充貴州主考

瀟灑同姑射耕芸伴老龐

清流映帶處臥聽響淙淙

翰墨聲華著簪纓世澤長

君子姪皆以進士及第

高門傳檠戟勝地隱

松篁帆影樵風外茶香釣渚旁

王官休自擬人比午橋莊

我亦因衰老歸田七載餘葭灣尋舊業木瀆命中車蕭曠差

相似經營媿不如獨憐溪路遠未得造精廬

題繆石林頌小像

橐筆曾游京輦挂帆遠指蓬瀛歸向團蕉獨坐依然心迹雙

清

記得堂名南有

南有堂為繆編修所居

收存萬卷琳瑯妙迹推君能幾

風流直接倪黃

貽我萬松圖畫

石林曾為予畫萬松講院圖即敷文書院也

講堂正對西冷何日

與君放鶴扁舟來往南屏

第一樓夜起有懷伯元中丞

白苧生寒酒半醺八牕齊拓敞高旻柳間殘月如新月山外

晴雲雜雨雲湖舫歌停燈尙在寺樓鐘定夜將分清秋好景

殊堪畫吟嘯無由共領軍

再宿第一樓作

殘宵殘月正幽妍獨對銀河更悄然露下蓮塘涼似雨煙消

柳岸水如天冰桃雪藕亡何飲竹簟紗幘自在眠清興不須

招白鶴臨風意欲趁飛仙

康太守茂園

基田

過訪



河渠舊績著淮揚新

命東行重海疆望郡喜看持玉節

同年猶記詠霓裳帆檣番市春潮濶松桂書齋教澤長

君新開三

江通海口并改

促膝明鐙須痛飲要看醉墨等龍翔

君嗜閣帖善行

草書

口號

浥浥重陰壓翠簾晚來添得雨廉纖荷花已老無多葉還送

秋聲到枕函

秋夜得楊員外蓉裳及其弟方伯荔裳揆書

跌宕詞場兩少年誰知先後奉戎旃關山廿載勞親夢風雨

三秋得素箋飛檄猶聞催戰鬪持籌還藉算緡錢自惟頭白

殘鐙裏慘執何時倍黯然

厲徵君太鴻及茗姬月上歿葬於西溪王家塢木主

遺失久矣今春何布衣春渚

琪得於田舍送至武林

門外衙灣黃文節公祠清風閣中以供香火因紀以

詩

栗主拋殘久不堪香燈迎到奉苔龕春蘭秋菊時常薦社鼓

神絃樂亦湛優鉢花從天女散

姬人月上主在旁

摩圍詩向老人參

孤墳三尺西溪近來往應知鶴並驂

重陽後三日阮伯元招同孫淵如及諸同學集第一

樓作

縹緲湖樓瞰夕陽同來英俊儼成行風前落帽嗤孫楚柳下

停驂問葛疆銀海漸搖嗟晚晚玉山自倒笑顏唐歸與莫厭

長隄迴涼月如槃水一方

朱映濬同陶上舍寧求

梁錢秀才同人侗及從孫紹



成游西溪歸述交蘆庵諸勝且為梅嶼上人乞詩是

日約展太鴻徵君墓予以病目未往

見說西溪路沿緣興不窮未尋高士家先造梵王宮巒影層

層碧霜花處處紅此間求轉語心性有誰同楞嚴經相見無

庵之所以名也故以奉示上人

愛此無人徑羣瞻有道阡荒塋啼竹颯短碣繡苔錢詩卷知

常在雲仍竟失傳一杯澆未得空憶小吳船

聞何太守蘭士病假還京有寄舉國皆向去人參

一麾出守又蹉跎豈向青門愛臥病京雜詞人游宦少匡廬

勝景入詩多禁城比屋追前夢先是余居爛麪花圃分襟

感逝波幸有同心吟興健謂法開文張編修歲時車騎共經

過

### 題竹垞太史遊澱山唱和長卷

普光王名梵筴無紹興賜額胡為乎鼇峯龍洞互起伏上有

紺塢凌空虛七層欄楯鈴鐸語下瞰萬頃村模餽薛澱之源

本具區礬清陳墓眾水趨溪山平遠似浮玉風景飄渺疑蓬

壺當時夢窗曾過此扣舷高唱心神愉年深月積漸淤塞桑

田遂見鄰村墟阿宰堵波已圯廢不見金碧光浮圖嘉禾去

此近三舍長蘆釣客來嬉娛陳遵書招邀作地主畢卓雨

大蕭散為朋徒楓香菊秀風口好烏篷白舫依菰蒲扶筇躡

屐遊覽畢歸向老屋觀琴書更煩妙手寫清景鵝溪八尺當

窗鋪香林蘭若忽隱現貞松古柏交扶疎緣知此遊樂復樂

不負選日來鴛湖距今屈指已百載哲人久謝幽人徂梅花

書屋書亦安在花宮寥落閒鐘魚惟餘絹素尚無恙能不



春風堂集卷二十四  
四  
珍惜伴瓊琚茲峯昔稱九峯祖玉屏蘭筍紛縈紆諸山寺觀  
漸荒蕪此尤聞寂林泉枯竹廊苔徑亦侈剝空柱上客來簪  
裾安得開士修精廬重新龍象演三車法筵清衆大起信雲  
梯佛閣增規模聽經結社更嘯侶遠眺雲水重囑于  
一檝來徵百萬錢漁莊舊宅計難全過橋翻喜移居近入室  
猶欣奉祀便半榻更無畱客地一篷賸有釣魚船如疑如夢  
真堪笑已別滇池十五年

送慧照往金山受具

春江滑笏放輕舟玉帶門開指勝遊六度已從瓶鉢具三山  
更向畫圖收此時話別梅如雪計日歸來麥又秋攜得毘尼  
新戒木香燈與我共薰修

家柳村自京口過訪

兩雪能來訪乘潮直到門蒼茫三歲別故舊幾人存詩卷風  
騷裔家居水竹村殘年勞慰藉下榻喜開樽

臥遊軒月夜

蕭蕭絡緯過鄰牆纔近中秋夜漸長露滴荷珠聞暗響風翻  
竹籟助新涼井梧已減三分影巖桂初生數點香猶覺此心  
清似水老來吟興未全忘

門人蔣秀才應質徵蔚以詩寄示卻寄

蔣山本玉人六籍妙解悟作詩繼風騷尤善冰雪句竹西與  
西冷幽賞豁情愔示我近來詩宛與王韋遇湖山結性情渺  
然出風露長簟更淒清匏瓜愴無豫時方悼懸知伴藥爐相思  
寄毫素



喜聞韓城相國致仕

絲綸稠疊備 恩榮元老辭 朝值太平霽月光風終皎潔  
渾金璞玉著忠貞三台星動知歸老五色雲環記唱名公殿試第  
一從此四方瞻氣象龍門萬仞竝崢嶸

九月八日吳司成毅人陳太守桂堂張司馬古餘 敦

仁枉顧留飲蘭泉書屋兼示映澹獻之同人三君

風日重陽近江天聚德星文章通氣誼鄉里羨儀型花徑何

曾掃蘭舟已共停老夫扶杖出再拜歎伶仃

祭酒瀛洲彥聲華燕許同北堂殷愛日穀人以乞南國仰高

風碧浪經幃啓時在湖州主講紅橋酒舫通往來維揚更明年峯柳

路尤喜豁羣蒙明年來主雲間書院

司馬西江別流光計十年丰標仍落落腹笥更便便學業儒

林貴農桑吏治先芋城驂篠處輿頌萬家傳君出夢副憲吉門下予在江西

君又適知高安縣令時攝松江府事

歸自辰沅路風騷寄與長猶攜太史筆兼佩省郎香詞翰誰

能敵琴樽意不忌扁舟頻念我淹臥劇清漳義山

巖桂香齊放山萸酒正濃思檢書籍看工部祇覺笑言重稻

蟹欣初薦尊鱸早未供諸君借脫帽轟飲慰龍鍾

葭菼村居僻桑榆暮景殘詎能歌兔首常累送豬肝舊學誰

為繼叢書待盡刊尚期頻見憶顧我話眠餐

同作

吳錫麒

廿載春明夢賓朋散似星江湖尋後會笑語蕪前型良約

秋期踐輕帆港口停吟詩當七發病已起伶仃獻之病風不長於行

一老靈光在相期吾道同此懷如霽月有力輓頽風詩品



王官谷經材白虎通平生承利日終是愧吳蒙  
 宦職辭前路壯心思昔年車攻詩肄熟盾鼻墨磨便湛露  
 三霄渥初衣一著先漁莊容穩臥樂事畫圖傳  
 斯文同不朽金石壽彌長許我開湘帙因之味古香剡苔  
 心未屢布毯坐難忘夢瓦能駕化還愁返故漳  
 宛然蒲褐住相引篆香濃酒座書三面秋簾水一重來真  
 倉卒客餉費咄嗟供所感殷勤意何辭倒玉鍾  
 見說西南盜秋風掃蕩殘歡鏗動朝野披瀝出心肝便有  
 饒歌製終聞露布刊太平田野樂努力待加餐  
 朱文藻

岑寂珠溪路喧傳五馬來趁湖江路淵觀稼隴雲堆錦纜  
 霑朝露朱顏帶宿醅不教騶入谷簷雀未驚猜

京雒追前事詞壇步後塵龔黃傳治績歐趙契先民桂晚  
 榮詩徑秋晴健酒人司天占異瑞德聚在江濱  
 湖海尊者德烟霞養此身 朝章原尚齒天性愛留賓洛  
 社開罇滿龍門曳履頻歡然裘屐會韻事一番新  
 襍穢詞多拙衰遲興尚酣散材真不棄末席每教參古繁  
 藏清謁奇書發錦函賞心交令節新菊勸分簋

汪庶子敬箴復乞假自都回里有寄

謝病重歸隱高名徧海濶清修依小學靜坐入初禪二語庶

楹帖風雅編前集時刻太功名讓後賢長君彥博以員外近

也擬從潘正叔謂蘭垞相訪棹吳船充廣西主考兼直

門人吳子山嵩梁過訪即送其歸東鄉

江鄉歲暮掩蓬廬千里勞君問起居薊北朋儕嗟漸少江西



才俊有誰如斯文未喪終堪許大雅將興望豈虛珍重牛毛  
麟角語臨岐執手倍踟躕

石遠梅同家柳村楊時庵欣于靜齋三君自京口

來訪有作

歲杪增離緒天涯憶古歡何期青雀舫已繫白鷗灘  
荏苒三春隔衰遲再拜難村荒兼市僻佐酒乏盤餐

耆舊今寥落風騷亦漸亾誰知從碩果相與步康莊  
瓦釜人

爭聽皇考笑更長雅材三十六珍重各升堂

人竝稱名士天教聚德星時映濬寧求在座論心輸款曲勸學苦丁

寧烟水西津渡雲山北固亭他時南望處還憶草堂靈

生朝有作

草草杯盤又介眉一年一度盡如馳久同表聖營生壙近擬

淵明製輓辭餽粥已修新井竈柔榆猶念舊茅茨  
明冬此會疑難再且向燈前索酒卮

元旦試筆

爆竹聲中齒又增先教侍史戒晨興青旂想進宜春仗紅燭  
還明守歲燈獸炭鑪溫留宿酒蠟梅花放解寒冰只憐衰謝  
年年甚試著朝衣似不勝  
七秩行年自古稀又添十載剩餘暉觀心如幻塵根在積習  
難除道力微堪笑家人還致語誰知老子久忘機開門但喜  
兒童報宿麥青青滿鈞磯

立春

存心養性樂熙和又見青陽到澗阿枕簟安閒知夢穩  
爐烟溫潤覺春多梅花遇雪三分謝蕙草生香一棹過

臘盡春初金華人載



蘭來售歲  
以為常

目疾已嚴止酒戒廚娘又勸飲  
以何

釋堂少宰由武陵按事北還見余樵李舟中送至望

亭而別感賦

幾年別夢隔樵漁舊約南來信不虛  
萬里風烟遠絕徼三春花柳送征旗  
盤根錯節君恩重後樂先憂物繁紆  
況是三

難同繼起韋平盛事不勝書  
謂少司馬 鶴洲滸墅水程賒絮語連宵雜嘆嗟  
四世交情同孔李十函

奏牘重勳華  
時以文成公奏摺送歸存貯 共憐往事真如夢得老閒身

即是家  
時予已移居 惜別不須還雪涕世緣久已等空花

四月初三曉徵枉顧虎阜寓齋兼贈二詩次韻

晤對兩成翁神明各不同我衰甘寂寂君氣正熊熊  
道德知

何晚  
放翁詩云晚知道德負初心 文章敢論工所欣春已去猶得坐春風

躡屐逢佳侶題襟憶往年前程真是夢勝事又堪傳  
樹隱初

三月香分第二泉  
適友人以惠山泉酒見餉 風流誰載筆吳乘好重編

虎邱寓舍即事

塋影層層對虎邱少年裘屐記頻遊青瞳白髮歸  
愚叟也折

花枝當酒籌

偶移帆席過吳閭濟勝無能黯自傷幸有使君能  
愛客掃除

池館置行裝  
于太守滄來館

千秋樓閣仰峨嵋新奉香山與拾遺誰識青蓮  
曾過此煩君

合作四賢祠  
劍池上本有仰蘇樓以奉東坡於士前太守任

觀察雲松謂少陵壯遊詩曾有東到姑蘇臺之句  
故三祠並

建園中余考文苑英華李太白亦有建  
五月十五日虎邱山

夜宴序案新唐書肅宗本紀上元二年九月  
月為建子月十二月

為建丑月至明年四月復稱年號不用建辰是  
太

白之宴虎邱在上元二年也因屬滄來并祀焉



衰年豈復擅譚元不奈虛名被世傳試問門前相訪客朝來  
繫遍綠楊船

門牆桃李聚芳華吳會朋來更似麻自笑老夫頻播喏便扶  
賜杖也欹斜

蘭陵風雨感離羣短簿祠邊忽見君正擬銜杯連夕語  
又踏洞庭雲雲松過訪時有洞庭之遊

三年別夢隔雲沙握手伸眉一笑譁攜得米家書畫富夜來  
虹月貫江槎謂吳越甫

誰人載酒過溪東范甯潘尼二妙同手執松枝當麈尾如雲  
妙解坐生風范編修芝巖來宗偕潘榕皐載酒來訪

岱宗頻歲照文星又向雲龍駐使輶聞有祥符碑刻在欲從  
天水問云亭徐州李太守松雲堯棟來訪以前守泰安故索其宋真宗封祀壇諸碑

巽屨穹碑尚未摧揚來贈我等瓊瑰讀時想在金山寺萬隊

弓刀領背鬼時張古餘以韓蘄王墓碑見贈是碑高大最不易揚

珠林玉典漸成譌宋刻猶存校正多常記書齋紅豆底丹鉛

承日費研磨得武英殿傲宋新刊禮記正義後有惠徵君跋語以此校正監本及汲古閣本凡四千餘字

清風作頌妙雕鐫更有吳興寫義田自笑行裝輕似葉兩包

金石壓歸船芝巖以所刻文正公伯夷頌及趙仲穆書義田記見贈

十載懸車返舊郊漁莊深處水周遭誰知指日歸官簿猶荷

深閨費彩毫雙東女士彭湘衡畫三柳漁莊圖見寄

牡丹盛開同映潯諸君小飲

鼠姑數本向窗栽紫玉香尤近硯臺佳種最宜名士賞中有魏紫

種頻年長伴老人開嬋娟鬪影依青沼濃淡分枝映綠苔只

恐吟詩容易俗臨風且覆掌中杯



長夏懷人絕句

甲戌秋予自濟南歸舟中懷人得詩五十餘首迄今五十年而新知舊好零落益多長夏無事因仿存歿口號之體又得五十人各為絕句以紀之

無錫秦文恭樹澧

味經精舍記勾留退食餘閒屬校讐洵是太平經世典玉峯制作竝千秋公少得蔡進上德晉三禮總纂又得健庵尚書讀禮通考因做而編之成五禮通考五百餘卷予時寓其味經窩見退朝後日排一卷覆勘至四五過凡十二年而書成直隸總督方公觀承刻之

無錫顧祭酒震滄

窮經列表破愚昏三傳千秋大義存傳說梁溪風雪裏歸來不省舊家門程魚門云先生家居時足不出戶外偶從他處歸遇風雪至家門旁皇無所措或怪之曰吾將往顧某家耳或曰此門即是隨叩門入里人以爲笑柄蓋專心篤學如此此其門人華師道所記

觀梅亭下日將曛老病羈懷兩不分忽聽門生諮大義談時奮袂又如雲上同

長白夢侍郎文子

筆陣公然掃萬人五言微妙更清新魯翀康里如同世定向詞場拜後塵

南昌呂布衣青陽泰

私淑黎洲託隱淪手編十學待傳薪司成謝世謂顧徵君沒謂程誰識西江老逸民青陽雖籍南昌而往來江浙開書肆于江寧交遊絕少惟與顧震滄程綿莊交善予於壬申在江寧入其肆見抄謄者凡二三百冊及丁丑復晤年已七十謂予曰予所著過多不惟難刻亦必無全讀者已摘其大概為十學薪傳十卷刻之因以授予予在也訪求亦不得其蹤跡蓋下世久矣而書之存亡更無可考也綿莊常云青陽嘗受業於黃梨洲先生且聞數術則本之士耳十學為易書詩禮樂春秋天文地理推步小學也



錢塘厲徵君太鴻

分襟最憶小湖船歸買梅林作墓田更有茗溪明月耐好將  
秋菊薦寒泉

長洲沈宗伯歸愚

百年風雅教忠堂當代龍門應壽昌衣鉢縱無人可繼也應  
祖桓配朱王

常州劉侍郎映榆常熟邵編修叔勉

齊燾

臺閣文章自一家豈容下里競皇莠誰知劉邵當時重制誥  
纔封眾口誇

會稽商太守寶意

溫李風華絕代才蠻荒淪落儘堪哀逢時若比韓熙載定向  
歌姬乞食來

嘉興鄭編修炳也

燕許文章信筆成盛年何事遽歸耕無人解讀漁洋句三代  
而還盡好名

鄞縣陳徵君玉几

西河弟子最能文詩格清蒼畫不羣貽我茗溪舊墨本殘荷  
數柄隔秋雲

錢唐金布衣壽門

淞水畸人金吉金竹西贈我瑤華林公然對面抱冊去廿年  
水月空寒岑

壽門工畫梅曾以二十四幅見贈尋為陳寶所取去

錢唐袁明府子才

小倉詩境儘芳菲鉅制穹碑稍見譏原與時賢供拊掌休將  
國史論從違



大興朱尚書石君

斗杓華蓋共零星出入承明五十春嘆惜棣華命兄竹君塵讀書之所

滿席獨持名教贊洪鈞

諸城劉相國石庵

韋平德業冠三朝畫裏相逢與自超珍重木瓜投贈句十年

刻石在瓊瑤甲申歲公從山西至京師一日文正公閱余所題李伯時應真贊文正問曰曾識王某否公對

以未識文正笑指圖中一人示之曰王某似此也公嘗謂吾兩人在圖畫中定交也

錢唐梁侍講元穎

風月湖山久主盟不惟墨妙冠羣英貞如桂柏瑩如玉家世

由來是五清文莊公以大學士管吏部兼翰林院掌院學士又直南書房上書房時同鄉王尚書察華

謂之日公所處五職皆極清要亦當稱為五清先生也

大興翁鴻臚振三

詩材直繼黃山谷山誠齋後譽望人稱朱竹君紀尚書問兩漢殘

碑供考證六經奧義更循環君有兩漢金石記近考辨經說尤多

無錫顧觀察晴沙

未老抽身向九龍新詩妙墨更春容當時一語真慚汗勸我

深心似石淙

河間紀宗伯曉嵐

繼天受寶啓元符內禪儀文萬古無共謂春卿

儒術裕稟經酌史贊鴻謨

常州趙觀察雲松

清才排冑更峻嶒袁趙當年本竝稱試把咳餘叢考讀隨園

那得比蘭陵

丹徒家太守禹卿



會向東瀛攬勝還探花及第綴仙班成唯識論雖通解仍恐  
因緣在海山

上海陸副憲健男

改職名高 玉殿班何期使節竟無還魂歸不但楓林黑愁

過遼陽萬仞山

歙縣程編修魚門

綿莊經學午橋

程編修 夢星

詩學到中年迴自奇史漢韓歐承正

格惜無人賞古文詞

長白慶似村

蘭

金貂家世重西京王謝風流玉雪清一室琴書花竹外獨溫

香鼎試瓶笙

海鹽朱明府笠亭

精養名畫幾研覃前代詩鈔總一函曾記官齋留宿夜水華

現相贈小窗南

無錫鄒侍郎曉屏

曉屏清節本無雙通潞河邊駐碧幢最憶滋陽風雪夜共開

詩卷對明釭

休寧金殿撰輔之

霓裳第一望如仙經學偏能解鄭箋歸臥天都三十載戴

江

承

微義更誰傳

輔之著禮箋十二卷并 傳江慎修戴東原之學

陽曲申明府圖南

吉金貞石採三秦作吏風塵迴出塵程

貢生 敦

趙

貢生 魏

孫

觀察 星衍

錢州判同嗜古獨推雅鑒在涵真

儀徵施宗丞小鐵



天吳紫鳳補朝衣中正還同季女飢沒後新詩存六卷正如  
鶴骨幾時肥

嘉興汪殿撰潤民

碧巢累葉竝簪纓華及堂開負盛名厚石竟隨桐石沒更嗟  
雲壑返蓬瀛

南城魯明府絜非孝廉習之

旨遠辭文出自然絜非有作韻朱弦儒林循吏俱無媿師法

由來仰大賢

絜非工文作令夏邑有善政以司馬文正公爲法

孝廉下第病兼貧相約南歸涕滿巾父子弟兄俱早世遺文  
攜撫更何人

錢唐吳祭酒穀人

祕殿新成壽宴圖多君送我下南吳而今愛日思護草又見

交星照五湖

無錫秦觀察小峴

瀟湘雲水武陵春遊徧江湖欲乞身寄暢園中風日好碧山  
吟社定重新

常熟吳儀部哲甫

抽簪壯歲樂烟霞到處詩詞護碧紗可似梅村閒適句玉杯  
春暖尚湖花

南城曾運使賓谷

南北舟車占要津詞場酒座逐時新竹西亭上三分月長共  
詩人作主人

儀徵阮中丞伯元

仁聲久遍浙東西三十荀郎未足齊聞說舟山傳箭夜樓船



十道壓鯨鯢

偃師武明府虛谷 億

武君折角兼強項前似朱雲後董宣脫屣去冠當軸嘆證明

金石藝林傳

君為博興令以九門提督番役入境滋事捷之被劾罷歸阿文成公深為惋惜

元和馮給事實庵

橐筆西清歲月遙詩才文譽滿同寮近來更詠西湖柳占取

風光在六橋

子集西湖柳枝詞君詩壓卷

欽州馮農部魚山 敏昌

博學多聞樂澗槃西南近海此材難好奇更上蓮花頂玉女

明星對面看

福建李員外畏吾 威

聞海畸人孰似君力承師學用心勤曾來訪我西湖上午夜

燒燈校說文

畏吾為竹君高弟知余有宋板說文時方隨蹕西湖尋至寓所盡五日夜功校畢乃去

涪州李舍人墨莊

鼎元弟編修鳧塘驥元

兄弟同為集蓼蟲每於艱苦出豪雄鳧堂一去風流盡獨駕

鯨魚碧海東

辛酉春墨莊奉命敕封琉球過訪敷文書院

靈石何太守蘭士遂寧張檢討船山

匡廬遊罷更東還如雪麻衣淚點斑從此京華壇坫上何人

詩筆配船山

長白法祭酒開文

大谷山堂見替人餐風味道更誰倫東華門外司成第千卷

圖書接翠筠

武進趙同知億生

駢體詞章字字工又隨五馬仕齊東蜃樓海市毫端現定見



人推大國風

武進楊員外蓉裳弟方伯荔裳

十載西陲鬢未絲歸來華省擅清詞江花邱錦知多少仍向

詩場作總持

頻聞烽火靜三巴蜀道瘡痍已漸差料得印牀公事少也應

吟遍錦城花

楊家兄弟真名士珠玉為心錦繡腸可惜蓬山無著作卻俱

草檄事戎行

陽湖孫觀察淵如

集成問字警凡庸經誼千秋漢魏宗精舍憶曾開祖楹欲將

祭酒配司農

故耶汶水有二三皆入于淮其地即為楚漢時垓下今屬邳州

叔重宜祀于邳州名宦祠內

陽湖洪編修稚存

古寺離筵共拍張次公寧必醉而狂可能勃律天西外水道

詳求似鬼方

太倉蘇貢生加玉

曾共翰軒汗漫游湖山風物錦囊收家居廿載窮兼老兩板

衡門一敝裘

錢塘朱貢生青湖

淞江詩派近難論獨有青湖迴絕倫傳得舊聞教後進西冷

十子本湘真

吳孟舉輩出而詩格始大變也

詩格始大變也



惠州趙明府渭川 希璜

仙峯四百在毫顛風雅潘有為溫汝廷應竝傳地志才修搜

石刻總將翰墨作因緣

長白那少宰釋堂

祖訓諄勤主眷隆曾參密勿贊元功閒窗忽讀停空句想

見清心似鏡空 君有停空 鏡詞最工

曾共饌神長白英侍郎煦齋

曲江風度本先賢 謂定圃 宗伯近筦司農秩屢遷供奉 南齋纔

退直又臨閨苑領羣仙

長洲家博士惕甫

文章劉蛻孫樵亞詩格盧仝馬異間為問霸才誰是主故應

橫戟獨當關

海寧吳貢生槎客 鸞

浙西風雅數三賢湘管成書世早傳 陳廣文焯石鼓兼通金石契

張徵君 燕昌撰同時更重國山編

元和蔣秀才應質

六書奧窔宗凌長三統精微遡鄭君尚有詩篇兼眾體漳濱

臥病更何云

錢塘蔣秀才葆存

蔣山已冠三珠樹又說西溪有蔣村家在梅花最深處果然

清氣得乾坤

蘇顯之和予八十月旦詩并遣其子來祝寄謝

先後年華近八旬 君年亦七十有六雲山相望久相親聞君杖履秋

增健和我詩篇筆有神少日詞壇同嘯侶晚來宦海各抽身



三峯況與蓬萊近浴日餐霞莫厭頻

聞巨超上人焦山退院

海鶴三年別江魚一字無懷君聞退院瓶鉢憶羈孤梵唱秋  
颺急經行夜月徂不知詩社裏誰與共團蒲

雲水瓜洲步紅闌宰堵波導師提唱處香火復如何謂圓老

去遊情減閒來法喜多耳聾兼面皺猶未得三摩

菊

短籬高節等松筠常向柴桑伴逸民霜露不矜標格異馨香

獨見性情真平看豈惜風吹帽欲插偏慚雪滿巾移置屏山

明月底夜寒形影更相親

曉起時十月  
初一日

松影移窗曙色新曉來盥漱更精神細看蝴蝶懷前夢懶折

芭蕉悟幻身碧椀索嘗前榨酒青瓊倩拂舊香塵丹楓黃菊

堆苔徑不覺年華又小春

袁貢生時亮

文揆

自昆明來訪即別有贈

屈指離襟二十年舊交零落倍淒然謂錢通政東注蔣檢文

章聲價宗前哲君近刻滇南詩文畧門第清華啓後賢急難心情殊慊

慨時為陳方遠遊時勢總述迢迢匆匆歸去滇池上憑與諸君

話老顛謂尹給事楚珍倪同年高甲陸秀才藻

壽錢徵君晦之六十

清鏡塘隈隱德星世留眉壽著儀型晦之祖父皆大壽六旬福德開

箕範三策賢良重漢廷元年以孝廉方正徵楓映畫屏添製錦菊霑春

酒助延齡聲名已是東坡弟蘇句更喜諸郎竝受經謂同人兄弟

題吳節愍公

嘉允

遺像

公字繩如華亭人天啓甲子舉人福王南渡授戶部主事



南都失守自經

蹇蹇何能再顧身一朝取義便成仁天荒地老心猶壯國破家亾氣轉申魂魄飛騰應化鶴雲霄詆蕩自騎麟易名奕代光千古展卷丰標動鬼神

陳忠裕公祠宇落成詩以誌之

祠在皇甫林墓西福成庵左與夏忠節並

祀節愍及黃貢生雲皆附之祠宇為陳桂堂太守合眾力以成

翠柏蒼松照水村烏頭綽楔表龍門姓名早入前朝傳贈卹

還叨異數 恩一代文章光策 屬何秀才書田其偉增刻

之四時俎豆薦蘭蓀獨憐忠節聲華竝馬鬣無由問九原

授命在忠裕前故忠裕集有葬夏考功詩然是時節愍率連被逮卜葬未成其後門人竟由盛符升始葬之宋荔裳晚會紀以詩然其葬處我鄉前輩未經紀載備訪無蹤因誌于此

遙送陳桂堂主鼓山書院先生故居

大節分明似首陽喜君曠世獲升堂欲教多士從何學在仰前賢不可忘名重東林嚴出處情殷南渡誓存亾到時釋菜修春祭為我先陳一瓣香

喜沈觀察函九見訪

函九為予辛巳所取士年七十有九

年當八十世稱奇況有門生齒數隨歎我聰明全已失喜君

視履總相宜往時 綸閣居先路 予先為中書舍人君相繼入直 近日經幃

接舊規 予主婁東書院及往武林當事延君代之 更有陳錢遺事在 君為陳通政星齋錢少宗

伯坤一之婿 好憑絮語盡深卮

寒夜洪稚存見訪

依然浩氣見鬚眉慰我三年萬里思聞說雲山開講席 時將主寧

國書院 還愁烽火動潢池飾巾自分風流盡摻袂猶聽夜漏遲

燭跋更闌餘後托好為有道勒遺碑



元作

洪亮吉

珠街涇口落帆遲五載重逢慰所思碩果近看餘一老削

瓜早見歷三司百千著錄偏能記門下弟子極多八十研經不廢

詩卻望西南洗兵馬蓋臣風度總憂時

八十生辰口號十二首

八十平頭自在身宣勞中外荷 恩綸誰知 賜告

歸田後屈指年華又十春

薄有聲名海內傳敢勞致語祝彭錢嘉賓已盡東南美次第

溪橋纜畫船

門生弟子代逢迎退坐山房景色清喜聽扶風豪士飲探鬪

鬪酒到三更

香閣才名本出羣鈿車何意到溪濱香箋渲染梅松菊絕似

麻姑五色雲

閨秀廖纖雲以所畫箋扇來祝

楊州烟月家家玉江左文章樹樹花

徐昌穀句

移贈檀郎真不忝

香囊塵尾鬪芳華

章生綴文余外孫璿也丰姿韶秀幼有雋才

生天成佛兩茫茫坐愛年時正履長多謝東風先借暖隔簾

吹送早梅香

屈子風騷百代尊獨將一氣夜中存懸知晞髮扶桑後不藉

招魂與禮魂

見離騷遠遊篇時餘書不讀令人偶誦莊騷耳

圓明性體本無涯肯受塵埃半點遮泰宇定來虛室白繩牀

跌坐誦南華

比似香山又五年

樂天卒年七十予過其五

適來適去總由天華巖樓

閣何能到擬住雲棲竹徑前

樂天欲生

重幃深護燭花偏坐愛紅爐暖不眠雪夜前村聽鳴榔此情

重幃深護燭花偏坐愛紅爐暖不眠雪夜前村聽鳴榔此情



真似石湖仙蘇軾坐愛涼風不知雲在何處  
伐性傷生氣更衰王介甫詩傷生伐性老耽書可容翰墨累靈臺行看九

允全陽數養得天年在不材蘇軾詩漁樵寄興脫朝衫上擬山陰亦不凡但少鑑湖三百斛蓮華

博士換頭銜蘇軾詩受選與半無散策守家來出室白蘇州

失明已久入冬來暗室中時見光明殆與放翁所得

略同然見在未申酉三時餘時不見又未可解也因

書寄梁元穎侍講趙雲松觀察

欲淨塵根尚未全何期慧業現當前漆園曾覺虛生白楊子

空勞默守元時訝屋窗朝日上終輸螺髻佛光圓若稱聖證

還非是方便心開任自然

除夕

辛盤臘酒已全收爆竹聲中歲又週起早仍當朝 象魏禦

寒無計續貂裘欲償舊債緡錢罄檢點新詩卷軸稠前月八旬祝壽

詩百餘軸戲語衆雛休爛漫杜詩衆雛爛漫睡焚香為我記更籌





春風堂集卷二十四終

伐性傷生氣更衰王介甫詩傷生伐性老耽書可容翰墨累靈臺

尤全陽數養得天年在木材

漁樵寄興脫朝衫上擬山陰亦不凡但少鑑湖三百里

博士換頭銜

失明已久入冬來暗室半時見光明殆與放翁所得

略同然見在未申酉三時餘時不見又未可解也

書寄梁元領侍講趙雲松觀察

欲淨塵根尚未全何明慧業現當前漆木曾覺虛生白場子

翰通韻界巖木隸曼韻楚香為非請更籌稱聖

寒無情蘇深寒煇對善貴辭庭落劍照襟精吞神賦神聖

辛盤斷斷日全外暴竹鞞中遠又戲賦早以當陳象聖





